

宋

會

要

金唐文

宋會要 御廚中書備對官廨第宅附

御廚在內東門外之東廊掌供御之膳羞及給內外膳餽割烹煎和之事勾當官四人以京朝官諸司使副及內侍充食手兵校共千六十人 御膳素廚大中祥符九年置在玉清昭應宮後徙御廚內掌車駕行幸開啟燒香及吃素月分供御素食以監御廚官兼領 菜庫東廚舊在惠和坊後徙拱宸門外掌給入內院子等餽餽菜飯景祐五年廢之 太宗淳化三年五月詔御廚諸色人自今盡料供應如供應不盡也食許工匠各將歸即不得接便於街市貨賣及偷出造食物料如獲

送三司施行

真宗景德二年九月詔赴宴及賜茶酒

臣僚供應之際輒敢減刻延遲不盡料供應者干繫官

吏重行朝典仍委御史臺聞門糾舉聞奏三年八月

詔赴大宴差內臣五人分局管勾一人掌肉從食餽

局一人掌蒸餠局一人掌膳鑊龍局一人掌盪飯

口味局十二月詔每大宴御廚委使副一員躬親監

視饌造四年詔御廚自今勿當以羔羊供膳是歲

朝陵塗中有獻羊及羔者真宗親蹕蹕馴統不忍殺遂

有此詔七月詔御廚自今每賜蕃部吃食常令匠人

盡料精潔饌造并將堪好器用供應仍令內侍省鈐轄

監賜酒食使臣躬親點檢大中祥符三年九月詔如

聞御廚每遇節辰客省筵賜臣僚食物並預先造下塵
裏損惡多不堪用自今委內侍省每節先差使臣就廚
點檢如無損惡即付客省宣賜十月詔如聞國信所
契丹使到闕取羊効蕃殺造食頗為過當自今止之
四年十二月詔自今每大宴起先翰林次御廚收器物
其看食三分以一分給翰林司遇夜令人宿收器物其
後又令運司各留監官一員管勾六年九月詔御廚
每歲時賜臣僚燎羊如聞宰殺封割之際其羊未死以
火燎之自今後並以八節熟羊代之七年七月詔御
廚餽諸色物須預先一月計料具數申三司支給月置
歷抄上會憑由除破仁宗天聖元年九月內侍高品

朱文正拆御廚銀積器折金銀三十六兩三司言工
匠偷獎難于破除詔三司根究以聞 閏九月三司言
御廚後行賁贄等中外物料庫應園苑亭驛筵會並本
庫差手分散料往還處祇應供餘多盜竊貨物乞目今
供應訖令勾當使臣具使過物料數實封赴本庫勘會
有餘盡時差人勾收從之三年十一月提舉諸司庫務
司言御廚供食院子額二百五十九人諸宮院實占三
十一人外祇應不逮初見翰林司額外招兵士百人依
例添院子百人入額祇應其常例奏抽差備征借事教
駁諸宮院院子等今後更不差從之 八年八月詔於
在京諸司庫務權抽造食兵士二百人於御廚相兼祇

應南郊造食 慶歷八年二月五日臣僚上言御廚前
門諸色人混雜只門子一二人守把勾當官員宿房却
在後門側近前門去內東門不遠火燭頭刃全無關防
欲乞今後輪勾當官一員只在前門關防止宿照管從
之 嘉祐三年六月十三日仁宗謂三司使張方平曰
監御廚入內供奉官竇昭齊等燕日擅殺魚羊豕羊羔
物之未成而枉其生理嘗戒使勿殺今復殺之不可不
懲也詔特街替以上國朝會要續 高宗紹興六年
七月七日詔御廚人員工匠庫院子等先有逃走之人
今來皆遇赦恩內有出違年限及因毀失牌號避罪藏
隱未敢出首依今降誅決赦許令出首特與免罪依舊

收管仍依條支破供給尋以臣論奏慮有作過之人冒
名偽濫有旨令依律施行十三年閏四月十八日詔御
廚於元額人吏內止以押司官二人手分一十人正名
書手五人權以一十七人為額內押司官手分依法通
遷如手分迂補不足從本廚於內外官司指名差取一
次如拘礙本處不許抽差條法特依今來指揮發遣書
手召募試補其請給通迂出職并日後遇闕並依本廚
見行條法指揮施行 本廚言元額人吏內押司官三
人手分一十四人正名書手一十三人私名書手一十
五人共四十五人昨為行在事務稍簡權以八人為額
故有是命 二十六年十二月二十日詔御廚裁減手

分一名書手一名守闕書手一名所有裁減備下人候

見闕日先次填補 三十年正月十四日詔御厨人兵

減二百人撥付步軍司充填產募使喚與上中孝宗

紹興三十二年九月七日奏准入內內侍省東頭供奉

官李友仁劄子奉旨御厨今月七日宣軍執觀講依周

易終篇例至日令本厨造宣賜食九分內宰相二十件

執政官各一十五件講官各一十件今契勘內講官食

已依例支破外所有宰執事昨紹興二十五年進講周

易終篇例內宰相三十件執政官二十件今欲乞於元

定食味內裁減排辦從之 十一月五日詔御厨今月

七日排辦御筵七盞并食七味就都亭驛賜歸明蕭鵬

已等四十五人其合用生料令臨安府牛羊司供納
隆興元年六月七日詔今月九日就都亭驛賜歸正人
蒲察徒穆等六十四人御筵其合行事件並依昨賜蕭
鵬已等御筵已得指揮施行 十月十五日詔御廚排
辦會慶節文武百僚上壽赴座官宴並依天申聖節前
後已得指揮體例施行 乾道二年四月二日詔御廚
排辦慶天申節大宴闕少廚子院子依舊例權於殿步
司差倩候事畢日從本廚申請招填施行 三年六月
十五日御廚言今未辦皇后上儀所有每日早晚供養
食並依見今內膳名件料例造作如遇旦望節序可就
用食味酌獻若合供素將羊肉對換素料隨宜改造供

應及合用器皿並依見行條例施行從之 四年三月
二十二日御廚言本廚在京日額管工匠庫院子等共
一千五百二十一人自後來行在節次裁減以七百人
為額續減二百人撥付步軍司以五百人為額今來除
差出逃走事故外止管二百九十五人委是闕人應奉
乞將本廚應逃去人不以已未出違年限許令百日内
出首特與免罪依舊收管一次從本廚報糧審院亦不
候省等經由先次放行合得諸般請給等如續次會問
有不該錢物依條回剋入官施行從之 六年五月四
日御廚奏見今排辦御筵闕人數多恐臨時應辦不
前乞下臨安府和雇百姓廚子一百人各不曾犯徒刑

大字兗慈人赴厨相煮役使仍令本府一面關請牌號
差使臣於前五日押來事畢發還詔依今後每遇應筵
准此 二十四日御厨言今未辦天申聖節齋筵並依
紹興二十九年以前體例所有御史臺膳部檢察官吏
禮部點檢樂次官吏本厨監官有無令支破或食詔並
不支破今後准此 七月二十一日詔御厨權以四百
人為額今招收教額自今後遇闕招填 九年七月八
日詔今後遇祈禱禁屠宰御厨早晚並進素膳以上點
道會要
淳熙三年六月十六日詔御厨見管工匠令本厨於數
內揀選老病不任執役之人並特與帶行身分請給作
額外人數批勘在營養老退下關額却行數填日後依

此 四年四月二十八日御廚言講筵日造賜講筵官

食一十件今侍讀史浩係前宰執乞依昨宣宰執觀講

例賜食二十件從之 六月十四日詔御廚屋宇損漏

令兩浙轉運司添修仍自今每上下半年差人檢計修

整 七年四月十四日詔御廚自今如遇供廚庫子闕

許於直下工匠庫院子內通行揀選有行止人補充從

本廚請也 十年七月二十七日詔御廚幹辦官昨來

添差武臣一員檢照元額省罷 十三年十二月九日

詔御廚減手分二人以下司農少卿吳煥議減冗食 十

四年十月八日詔光壽聖憲天體道性仁誠德經武緯

文紹業興統明謨聖烈太上皇帝崩所有每日早晚供

養旦望節序酌獻食可依見今常膳名件料例造作過
供素將羊肉等換素料隨宜改造其添供薦獻及應干
器皿並依見行條例先次施行 九日御厨言今月八

日奉旨自今後將每日早晚御膳減半進素九日御膳

不曾呼索詔給賜道場僧道日後遇不呼索準此

以高宗

避改

十九日御厨言見排辦賀會慶聖節使人到闕

見辭是宴檢照紹興二十九年顯仁皇后上儀賀正旦
使人到闕比附參照下項御前飯床紅羅繡龍裙襪衣
子并御食合上紅羅繡龍合衣子并紅羅手帕子並改
用黃素欲乞依此施行一應用金銀器皿等乞依例於
天章閣宴設庫閣請使用一本厨諸色祇應人服著梅

紅羅纈衫金鍍銀腰帶乞並依服著紫羅衫黃帶子殿
前司差到托食天武服著紫纈對鳳并緋紬銀鵝寬衫
黃絹襪乞並服著素紫纈寬衫黃絹襪黃帶子仍聞報
本司一面施行從之 十五年九月二十四日詔十月

八月高宗皇帝小祥御膳自十月六日七日八日早晚

並進素

以上奉
宗會要

淳熙十六年二月二日御厨言重華

宮早晚御膳本厨乞依例輪差監官一員人吏二人工

匠二十人院子五人自今月二日赴宮晝夜止宿造作

供進從之 同日詔御厨今後初三日初七日二十七

日早晚御膳送索並供進素膳 十三日詔御厨每日

見供進重華宮早晚送索自今有司供生料內羊兔宰

依皇太后殿折納供送赴本宮後苑 四月十六日詔
御厨今後遇皇帝本命早晚御膳泛索並供進素膳
紹熙元年四月十日詔御厨自今後每月初一日十五
日十七日早晚御膳泛索並進素膳 二年七月二日
御厨言見闕工匠庫院子共一百三十九人詔招收數
額先次施行十日詔御厨自今後每月初八日十八日
二十八日早晚御膳泛索並供進素 四年六月二十
三日御厨言本厨副知卜光祖于紹熙二年十月三日
遞遷充上件職役合至紹熙五年十月二日終三年界
滿補官出職本厨專法副知界滿三年無遺闕通理入
仕及二十年補承信郎仍陞三李名次今來卜光祖入

仕已及二十八年有餘並無遺闕可特與依本厨格法
先次補授合得承信郎改差充御厨拘押官物使臣承
填陳思明今年八月補闕仍令補理副知未滿月日從
之 八月十九日詔承節郎拘押官物使臣陳思明任
滿在厨應奉有勞候參部日特與占射差遣一次自今
後應本厨出職補官人參部日準此 十月二十三日
御厨言今來會慶聖節尚書省滿散御筵已造成熟食
續奉旨別擇日錫宴所有本厨已造赴座官喫食御史
臺禮部膳部檢察官吏及本厨官食料乞給賜施行將
赴座官會味依先降指揮給賜教坊御厨翰林司祇應
人從之 五年六月九日御厨言至尊壽皇聖帝升遐

所有每日早晚供養并旦望節序酌獻食乞依見今常膳名件料例造作遇供素換素料隨宜改造從之

以上元宗

要會慶元元年四月二十一日詔今後御厨支散折食錢令戶部行下所屬每月添支錢五十貫文據作一千五十貫文支散如有支散不盡錢數以次月料內貼數支請以御厨言本厨支散諸班直折食錢昨宣和三年每月支錢四十貫文自紹興元年行在諸班直比之在京數少戶部月支錢一千貫如有支散不盡數以次月據用今來諸班直人數比紹興年間事體不同每月支散止有現在錢約一千餘貫三月十八日引呈崇政殿親從推填子配填班直數內特宣出七人各射中兩石

五斗力弓詔特與入額行門常日祇應折食錢七人計
錢二十五貫二百文若將每月左藏西庫供送到錢支
散不敷故有是命 八月十三日御厨言副知楊琇已
及年勞依條解發出職乞候補官了日差充本厨專一
支散諸班直折食錢依本厨見行條例支破請給特令
理為資任從之

以上寧
宗會要

中書備對

熙寧十年支使過米麪肉柴炭酒醋等數 米五千五百七十八石八斗五勺麪一百一十一萬六千六百六十四斤四兩羊肉四十三萬四千四百六十三斤四兩常支羊羔兒一十九口猪肉四十一百三十一斤猪羊頭蹄等隻副不具柴一百四十五萬四千一百三十三斤半炭三千五百五十七秤六斤油三萬四千七百八十七斤一十二兩二錢醋一十八十三石八升四合半諸般物料等八萬三百一十斤石兩張

宋會要

官廨

太祖乾德六年二月詔曰郡縣之政三年有成官次所
居一日必葺如聞諸道蕃鎮郡邑府廨倉庫等凡有損
處多不繕修因循歲時漸至頽圯及僦工而庀役必倍
費以勞民自今節度觀察防禦團練使刺史知州通判
等罷任日具官舍有無破損及增脩文帳以次交付仍
委前後政各件析以聞其幕職州縣官候得替日據曹
葺及忒造屋宇對書新舊官曆子方許給付解由損壞
不完補者殿一選如能設法不擾人整葺或敕造舍宇
與減一選可減者取裁 太宗淳化三年六月詔曰國
家並建度官分領衆職思不出位無相奪倫儻罔循於

詔條何以謹於官業如問近降指制敕遺逸頗多或有
釐革刑名申明制度多所散失無講求以至議法之司
治獄之吏多稽緩而不決致論報以後期久繫羣宰有
傷和氣自今諸道州府軍監縣等應前後所受詔敕並
藏於敕書樓咸著於籍受代日交以相付仍於卽歟南
曆子內批書達者論其罪真宗咸平四年四月置
朝集院於朱雀門外凡百餘區真宗以朝臣外任代還
者寓於逆旅故置焉尋覆罷之景德元年正月詔諸路
轉運司及州縣官員使臣多是廣修廨宇非理擾民自
今不得擅有科率勞役百姓如須至修葺奏裁八月詔
西川諸路巡檢兵士令逐處州縣廨宇營壁以居之先

是上封者言川陝巡檢兵士自來不許脩造廨宇多分
泊道塗深所非便故有是詔 二年七月詔今後應有
舊管廨宇院宅舍寺觀班院等乞般添間例及欲隨意
更改並權住修如特奉朝旨即得修造 三年六月詔
近日京中廨宇營造頻多匠人因緣為姦利其頻有完
葺以故全不月心未復以損壞自今明行條約凡有興
作皆須用功尽料仍令隨處誌其修葺年月使匠工匠
姓名委省司覆驗他時頽毀較歲月未久者劾罪以聞
八月詔應出使朝臣使臣多是不奉宣敕便於所在州
軍行牒取索工匠丁夫物料等修蓋屋宇宜令諸路轉
運司者指擇逐處未得依果若須合應副即事訖具人數

并物色名件實封以聞先是帝曰近聞鄭牧放使臣以
完葺廨宇為名多於本州擅役工匠丁夫此及乃知者
固亦多矣可降條約故是命 大中祥符元年十月詔
賜兗州府宇門名曰圓鑒覃慶樓 四年二月詔改河
中府克覆樓曰薰風樓在市中唐廣明歲節度使王重
榮敗黃巢偽將趙璋李祥嘗誓衆於此因為名帝曰克
復者一時之事不若因舜都為之號乃賜名為命陳充
叟為記三月帝祠汾陰回幸陝州御所南門樓宴從父
老名其樓曰霈澤惠民移御營宮水心亭北樓及望河
亭觀山川形勝賜運船卒時服 六年七月詔如聞州
府公宇亦多損壞以故文所禁不敢興葺自今有摧但

無改作聽依舊制修完

仁宗天聖七年三月詔光祿

寺屋宇

撥併與崇因院却以保康門裏宮舍四十餘間

充本寺

宇除合置貯管果子及銀沙羅遺食等庫屋

宇并架閣文書司房外依司農太府寺例許本寺官屬

充解宇居止

八年十一月詔聞諸處監當京朝官使

臣幕職州縣官多無解宇或借民舍而居或即拘占館

驛深為非便自今量撥係官舍屋令其居止

皇祐三

年十一月帝謂輔臣曰諸轉運司提點刑獄解宇同在

一州非所以分部按舉也宜析處別州仍條巡察之令

以付之

英宗治平三年六月十九日三司言乞今後

應在京官司如元無官員解宇及雖有局所本非官員

居止去處並不許輒有陳乞指射係官廨宇宅舍及倉
場庫務空閑舍屋居止并創行添度如違委自看司執
奏從之 治平四年十一月神宗即位未改元詔今後
諸處官員廨宇不得種植蔬菜出賣祇許供家食用事
具職日門十二月十四日詔諸路州軍庫務營房樓房
櫓等繕治如舊外其廨宇亭榭之類權住修造二年違
者從違制科罪 神宗熙寧七年正月一日詔官員廨
宇內外舊有空地或園池係本廳者逐時所出地利聽
收 八年二月十二日三司言在京官局多援例指射
官屋軍營廨舍并乞破賃宅錢轉相做效有增無減宜
一切禁止從之 元豐元年八月十六日詔京東路轉

運司齊州章邱縣被水修城倉庫官舍並給省錢七年
正月十八日廣南西路轉運判官許彥先言本路提舉
舉常平等事劉誼於桂州治解宇舍貴官錢萬緡轉運使
張頴等不切覺察詔轉運司張頴陳倩副使苗時中馬
默朱初平吳澄判官朱彥博謝仲規各罰銅二十斤
哲宗元祐八年十二月二十五日戶部言檢會治平四
年十二月四日朝旨節文應今後諸處官員解宇內及
職田更不得種植蔬菜出賣其解宇內菜園祇許供家
食用自熙寧編敕別無約束今欲乞應官員解宇內外
并公使庫菜園並依治平舊條除供食外更不得廣有
種植出賣如願召人出租斷佃者聽從之

紹聖元年

三月六日詔今後管軍臣僚在外任者更不許於在京
指占營房廨宇居住亡致之家亦不得陳乞於軍營寄
住令殿後司告示限一月搬出五月十三日詔應提舉
官並隨所在舊宇^宋廨宇居住不得創行脩蓋如實損壞
方許隨事修葺元符三年九月二十二日敕^宋即位
未改元工部狀無為軍乞修廨舍并河北京東路轉運
司齊州狀並乞修官員廨舍等事尚書省檢會近降朝
旨災傷路分除城壁刑獄倉庫軍營房廊橋道外所有
諸般亭館官負廨舍之類並令權住二年修造今勘需
自降旨^宋權後來不住據諸路州軍申請稱官員廨舍內
有破損不堪居住一例權住二年不准轉更損壞材瓦

兼慮官員無處居住詔如委實損壞仰轉運司因舊補葺即不得別有級增改易及極擾民戶餘並依已降朝旨施行 徽宗大觀二年十二月三十日從侍郎方康劄子伏覲朝廷設教授之官于今六年州郡尚有不置教官之縣宇之處盡室寓於僧院詔州教官未置縣宇去處並令月學費錢修蓋 政和三年正月六日淮南轉運司奏政和二年六月八日朝旨吏部與重修敕令所同共講究到分曹建椽旨揮數內增置曹合要縣宇除獄官外欲依次第從上檢充謂如蘇州縣宇第一卽典司銀印損縣宇第二卽吳士曹參軍之類許踏邊在州諸司所管屋宇充合出賣不合出賣同又卽無修蓋

諸曹參軍不得過職官樣不得過判司解字數少者直
宜詔從之六月二十日尚書省勘會營自當嚴肅不許
安下訪聞近來多有得替待闕或見任官於諸軍營內
不以有無婦女克解字安下顯有交雜不便詔諸軍營
不以有無婦女並不許官員及諸色人安下八月十日
太傅鳳翔山南西道節度使鳳翔牧兼興元牧上柱國
越王偲奏契勘本府舍屋前後堂等例各支樞自大觀
四年十月內本府逐次申尚書工部等處差人前來修
整至當年十二月內有月當西八作司趙不佞將帶壕
寨等赴府檢計了當至今未見差撥人匠赴府其堂近
因雨水轉更走樞乞下所屬計料脩整詔依所乞仍令

催貨務夫錢一萬貫文應副十二月十二日臣僚言伏
覩見任官廨宇內外空地各有所出地利物於條聽收
訪聞諸州軍鎮寨等處緣有上條往往務廣蔬園多占
人兵不准侵奪細民之利而又抑勒白直等人田散貨
賣不無陪脩之患乞有立法禁止或限定數目如主田
之制令監司當切覺察撰勅施行詔令尚書省立法令
擬修下條諸在任官以廨宇外官地園池之類謂其屬
本縣廳收地利者營種輒收利徙二年或雖應收地利
而私役公人者加本罪一等上條合入政和襍教從之
宣和三年五月八日尚書省言諸州貢院諸路提舉
學事管勾廨吏舍等詔除合措置作轉般倉外餘路令

轉運司拘收措置充係省房廊如不可充房廊撥充官
局或見闕廨宇官廨宇 七年十二月五日奏陝西轉
運使王倚奏條具到所部無名之費數內外路官司為
有廨舍前後相承增修不已或巧為名目多作料數卅
縣一面勘請或肆行檢計動數千緡諸司直牒取授莫
可檢察欲望特賜誠約講議司看詳官司廨舍修造之
費在法許支頭子錢三十貫以下本州支訖申轉運常
平司分認今來主倚所奏切恐其間却有委實損壞例
竭去處支月不足欲令諸州修廨宇費用官錢歲不過
三料餘依所乞仍不待侵支正錢若巧作名目多作料
數支給仰監司按劾聞奏諸路依此詔從之 高宗建

炎四年二月德音應緣金人或賊盜燒毀州縣除城池
倉庫外其餘官舍未得修葺務在息民如違許人戶越
訴四月二十五日提舉江南西路茶鹽公事汪思溫言
本司解舍元在洪州遭人燒燬欲權於撫州置司從之
九月七日詔殘破州縣解宇除紫要治事處許隨宜修
蓋應閑慢修造並住 紹興二年正月二十九日知臨
安府宋燁言昨得旨將府學改充府治方造廳屋并廊
屋三兩間而本府日有引問勘勑公事合置當直司簽
廳使院諸案未有屋宇詔州治有刑獄司分詳特將脩蓋
時有詔訪聞行在係官修造去處甚多可日下並罷故
申明云閏四月八日詔賜紹興府行宮復作州治上云

方艱難時宜惜財用若不賜與須別建府第亦煩費矣

三年三月一日詔以兩浙轉運司兩廨舍充新除叅

知政事席益簽書樞密院事徐俯府第其退下位次却

充本司廨宇五月七輔臣大宗正司將至行在南班宗

子所居當作屋百間上曰近時營宇之令一下百姓輒

受獎者蓋緣郡縣便行科配若物和實則費與役民不

與知可令有司具其一切調度以聞四年二月一日

臣僚言自來官司廨宇皆以所管職事為名其下便為

治所未有無職事而得廨宇者近詔臨安府舊祇候等

庫屋添修充張公^祐廨宇契勘公裕係同管客省四方館

閣門公事兼總領海舶客省閣門等職事見在禁中從

舊不曾別置廨宇漁客省閤門官非止公裕一名公裕
應得他人皆可得也若以總領海舶為名則其職事係
在明州於行朝別無所治豈有置廨宇於此而還領職
事於彼者况舊祇候庫已改作戶部襍賣場今若添修
充公裕廨宇其襍賣場頃別踏逐不唯公裕居之無名
而更添修土木煩費實多乞將前降旨揮速賜寢罷從
之六年六月十九日詔應承受修造舍屋及添修舟
舡官私司所料上物錢如輒敢依前虛檣木料官吏並
重作施行十一年三月七日德音壽春府廬濠滁和
舒州無為軍應官舍曾經兵火燒燬處除倉庫刑獄量
行修葺外其餘並未得修葺一年後許申_取朝廷旨揮仍

不得擅行支撥應付諸般使用九日臣僚言近聞臨安府營不一創置職事官廨宇既十餘所而仁和等縣應者各十數處其間補獎增新者人不知其幾也夫一椽一瓦非天降地湧皆出於民力在承平農隙之時以次興修優游不迫民猶告病况此軍興農務之際哉兼聞明州細民艱食間有流移而本州方興工修州衙及鼓角樓衆口怨讟乞降指揮除屋舍頽獎合修整外並放罷役無契勘承平時在京職事官多無廨舍住任官有廨舍而新舊交承不容他官居占近來臨安府應副職事官廨舍乃更互相指占移易不已乞詔職事官並以見占屋宇為廨舍更不許易從之 二十五年八月十

七日上謂輔臣曰向來韓世忠納宅當時令移左藏庫
及宮欲以倉基造二府以處執政此祖宗故事今各散
居非待遇之體所降旨揮已三年矣轉運司猶未施行
可呼至都堂傳旨催促並要日近了畢合用物料工錢
於御前請降不得科敷 二十六年正月九日新建執
政府三位詔令選入東位魏良臣中位沈該西位湯思
退 二十四日殿中侍御史周方崇言州縣遇有修造
所需物料或以和買為名取之百姓其官司未必一一
支還價錢土木之工費用為多以此擾民深恐未便乞
委監司常切約束州縣無致搔擾或有違戾按劾以聞
從之 孝宗隆興二年二月十六日德音楚滁濠廬光

州府貽光化軍管內并楊成西和州襄陽德安府信陽
高郵軍應官舍刑獄曾經兵火燒燬去處許行修蓋整
葺外其餘並未得興工候及一年逐旋申取朝廷旨揮
不得擅起夫搔擾五月十一日准西宣諭使王某奏前
都統制邵宏淵所居屋宇乃王權舊宅見都統制別無
解宇合將王權舊宅賜都統制司永充解宇從之二十
三日詔臨安府具到修蓋環衛官宅子圖內三十間蓋
二位以待正任觀察使以上二十間蓋四位以待正任
防禦使遙郡觀察使以上一十七間蓋四位以待餘環
衛官不得別官指占 乾道元年九月二十六日詔思
平郡王璟所府第今與兄今提舉衙兩易今紹興府將

新換提舉衙如法添脩排辦應副思平郡王璵居住

二年五月二十三日知臨安府王炎奏欲乞將懷遠驛

地基敕行蓋造解舍五所專充臺諫官住屋不許指占

從之四年三月十三日詔禮物局如將來空閑口周

涼將上件屋宇同嗣濮王見住宅子一併撥賜濮王士

輅久遠居住仍量行修葺七年三月四日詔令張松

於建康府城內都統司空閑寨地六段內撥一處蓋屋

一千間充馬軍解舍淳熙六年十一月二十七日詔

臨安府修葺六部架閣庫屋其主管官員居止令就庫

側允換解舍使朝夕便於檢校以防文書疎失從吏部

尚書周必大請也七年三月二十七日詔大慶觀巷

內樞密院充故皇子魏王府第其樞密知院王府第以朝
天門裏天慶觀西先撥賜李顯忠宅五月十一日詔臨
安府修蓋大理寺評事解宇以刑部尚書謝廓然言獄
情貴乎嚴密評事散居於外乞以本寺空地創解宇故
有是詔七月二十一日詔廣西路提刑移司鬱林州起
造解舍合月錢令轉運司應副五千貫先是本路提刑
徐訓奏本司舊置容州移鬱林州得旨令安撫使劉煥
運判梁安世同共相度以聞故有是命八年八月二
十八日詔臨安府於大理寺修蓋治獄正丞解舍從臣
僚請也九年二月二日詔大理寺於本寺內修蓋新刑
官解舍以大理卿潘景珪言乞將本寺空地自行蓋造

故有是命淳熙十六年三月六日詔大理司直寺簿並
就寺居止仍令臨安府於仁和縣後花園內空地蓋造
廨宇兩所熈紹興二年正月二十八日無知臨安府潘
景珪言本府籍定百官廨宇其來久矣向者師臣嘗有
申請分而為三侍從兩省官為一等郡監郎官省官為
一等寺監丞簿以下為一等比年以來遷易無常因而
輒謀乞將本府廨舍依舊為等三自今後遇空閑若元係侍從兩
省官及臺屬廨舍並行存留以俟朝廷除擢應副居止
從之

宋會要 第宅

大祖建隆四年五月荆南節度使高繼冲之諸父兄高保紳以下九人來朝各賜宅一區八月賜右千牛衛上將軍周保權郎州節度使為居第乾德元年十一月高繼冲自荆南來朝詔賜城都西官宅二區三年十月賜靜江軍節度觀察留後郭廷謂宅一區開寶五年六月賜江南國主李煜第兗州節度使從善在京宅一區煜進銀五千兩錢五百萬為謝十二月賜樞密直學士簽書院事石熙載沒儀縣永豐坊宅一區四年九月賜左千牛衛大將軍李仲寓沒儀縣積珍坊宅一區二十四日賜右衛上將軍劉元浚沒儀縣清平坊宅一區五年三月賜文明殿學士程羽浚沒儀縣恭寧坊宅一區六年七月賜上食使王廷德沒儀縣壽昌坊宅一區七年正月賜樞密直學士竇偁沒儀縣崇仁坊宅一區二月賜秦王廷美西京甲第一區六月賜宣徽北院使柴禹錫沒儀縣寶積坊宅一區八年三月賜度支使陳崇信沒儀縣寶積坊宅一區戶部使敕正昭慶坊宅一區七月賜樞密院使王顯開封府道德坊宅一區八月賜洛苑使李繼隆宅一區十二月賜右諫議大夫參知政事呂蒙正嚴景門宅右諫議大夫簽書樞密院使張齊賢宣秋門宅王沔崇德坊宅各一區雍熙三年二月賜殿前都

虞侯張訓宅一區五月賜威德軍節度使李繼捧宅易其舊第也十六月
日賜北面總管劉廷讓田重進宅各一區十五日賜翰林醫官使王懷隱
宅一區淳化二年八月賜判四方館王寶安宅門外宅一區真宗咸平五
年九月賜种放昭慶坊宅一區大中祥符元年十二月二十四日詔賜樞
密使陳堯叟安定坊宅一區二月四日出內府錢五百萬贖改相呂端第
賜其子藩以居第先隸藩寶錢而三第尚幼不與之同居真宗聞而憫之故為贖
還俾兄弟同處七月賜左千牛衛將軍分司西京傅潛左監門衛大將軍
楊瓊舊宅潛等先坐罪居沒其田宅至是以封禪赦恩給還之五年閏十
月賜樞密使同中書門下平章事王欽若安遠坊宅一區時欽若上言所
居在太廟之後后廟之前出入非便故有是命六年八月賜王繼忠諸子
天波門外官第一區天禧五年二月詔以樞密使曹利用所居迫隘遣內
侍按視陳地并先詔借宅園並賜之後沒官至皇祐中復還之仁宗皇祐
五年二月賜樞密使狄青敦教坊第一區至和元年正月賜溫成皇后母
楚國夫人曹氏敦教坊第一區嘉祐六年十一月賜昭憲皇后家信陵坊
第一區十一月二十七日宰臣文彥博言知永興軍日有安素處士高惲
臣素知惲名詢其所居乃祖贖官地破屋數間遂令破係官材葺屋舍欽

治平七年
疑熙寧

望給賜水瓦居士詔舍屋并地基特賜水瓦居住地基依例則納稅錢治
平七年正月七日詔賜端明殿學士熙河路經畧按撫使王昭崇仁坊宅
一區九年九月十三日賜耀州觀察使程昉宅一區以防任水事有功特
恩也元豐元年三月二十四日賜故衛王高遵甫先借宅一區以遵甫皇
太后父故也四年四月二日賜提舉京城所宋用臣宅基一所以京城下
初營課利優獎故也八年六月五日賜政尚書左僕射王珪壽昌坊官第
哲宗紹聖三年九月十七日詔賜蔡確本家宅一區以中書舍人葉祖洽
言臣嘗論前日受遺之臣朝廷所當崇報今故相蔡確雖蒙朝廷奪復官
祿其所特恩數與平時輔相無異近時司馬光呂公著等皆以安佚度
恩禮隆厚聘贈優渥而確嘗受遺為元祐所嫉貶死領外諸子零丁私用
尤窘伏望聖心加隆寵數故有是賜其後四年四月二十一日確妻乞以
舊宗子學為賜第從之元符元年九月十八日詔故相王安石就京賜第
一區徽宗大觀四年正月二十一日詔太師楚國公蔡京賜蘇州南園元
第宅政和六年二月十九日詔支降御前錢二萬貫于京師起第一區賜
歲章居住十一月六日詔賜宣和學士王黼昭德坊第宅一區十二月一
日臣僚上言近日臣僚蒙恩給賜第宅皆優還價直然于民居私舍不無

遷徙毀撤之弊詔開封府出榜曉諭止絕如違令御史臺覺察奏聞七年
二月十九日詔王安石江寧府賜第改賜鎮江府行衙令本路轉運司應
付修完八年七月四日詔特進知樞密院事鄧洵武賜第宣和二年正月
二十二日詔蔡確輔立哲宗功在社稷可封郡王賜第一區十月二十八
日御史中丞臣翁彥國奏伏見比年以來臣僚有被眷異者不唯官職之
超躐錫資之便蕃多遂賜第者臣聞蒙賜之家則必宛轉殆逐官屋以空
閑為名或請州價充買百姓物業實皆起違名居大者巨坊巷小者不下
拆數十家一時驅迫扶老攜幼暴露怨咨殊非盛世所宜有今太平歲久
京師戶口日滋棟宇密接畧無容隙縱得價錢何處買地瓦木散撤盡為
棄物縱使得地何力可造夫所者固已多矣既而鳩工市材一出公上請
託營繕務極壯麗糜費不貲往往未嘗會也雖知其為恩未知其為害
臣莫為陛下言者得無惡於害已歟伏望睿旨自今非有大勳大業累著
天下者勿復賜第雖已得旨許三省執奏臺諫論諍庶以下息黷競觀之
心仰稱聖明愛民節用之意從之三年十一月二十四日詔太尉奉國軍
節度使充殿前都指揮使高球賜第五年四月一日臣僚言比年臣下緣
賜第宅展占民居甚者至數百家遷徙逼迫老幼怨咨乞自今除大臣戚

里手舊制恩賜外餘悉賜金錢使自營創如敢干乞重寘典憲從之仍令
御史臺劾違者以違即華論六年十二月十五日詔賜延康殿學士正
議大夫提舉西京嵩山崇福宮薛嗣昌第並依王革等例高宗建炎三年
八月二十三日詔中書侍郎張慤所賜田宅全結同知樞密院事郭三益
益奏書樞密院事郭穀田宅並減半給賜先是張慤除合得轉贈外特賜
田十頃屋五十間以慤本河朔人無家可歸而又輔政忠勤抗節不附黃
潛善輩士論甚美故於例外賜之後來郭三益亦依慤例郭穀又依三益
例臣僚遂力詆其冒恩以三益乃王黼黨死燕山之後嘿無一語建明幾
資望素輕止保在錢塘時有尺寸之功有指揮贈七官依條與致仕遺表
恩澤支賜銀絹一千匹兩不應復冒此恩素故有是命後臣僚再上言詔
郭三益郭穀給賜旨揮更不施行紹興三年三月二日詔昭慈獻烈皇后
家依欽聖獻肅皇后家例合賜第令平江府將朱劬宅園舊基撥賜仍令
本府備蓋宅屋二十間三年三月二十三日故贈開府儀同三司邢煥妻
福國夫人熊氏言本家見無居止乞下臨安府應副脩蓋瓦屋十五間充
皇后宅位詔令臨安府踏逐空閑舍屋應副五月二十八日韓世忠言臣
自蒙恩拔擢已來睿笑神謀邊機軍政訓獎之詞便蕃之錫親筆宸翰充

物彙諸近蒙恩擬賜平江府南園營造私第今欲建閣樓書其上所有屬
名伏候睿旨詔賜名懋功閣七年三月二十三日詔劉光世已薨制除少
卿萬壽觀使合奉朝請可賜府第一區令建康府賫逕脩蓋七月二十一
日詔馬泰除遙都觀察使賜宅一區錢一萬貫田十頃十一月七日中書
舍人勾龍如淵獻奏劉光世賜宅上曰今財力困匱營繕寔難然光世累
兵柄奉朝請恩禮稍加于舊則諸將帥知後福之有終皆効力矣不從十
二年六月七日少保鎮遠軍節度使信安郡王孟忠厚言昭慈聖獻皇后
家子紹興三年內被旨依欽聖憲肅皇后家賜第二百六十八間至紹興
二年內蒙恩到平江府朱勗宅園地基一段及令本府修蓋竟未興工兼
平江府告示于臣私計便乞將上件宅園地基依舊拘收入官其賜第宏
臣別具陳乞詔以賜張俊六月二十五日秀王夫人張氏奏臣妾家素貧
窶老稚數百指所至無一廛之歸伏觀秀川華事縣市舶提舉廨舍一所
見今空間欲望降旨擬賜詔奉太上皇帝聖旨依所乞十月二十八日詔
田師中借居宅第依已降旨揮候服闋日拘收擬賜元岳陽軍節度使開
府儀同三司主奉孟王祭祀居廣居住十一月六日武翼大夫榮州刺史
蕭穎奏臣昨在鄂州日視都司有空閑官屋一所在蒼巷桂參政行府指

揮令臣居住臣于今年三月得旨召赴行在所上件屋宇都統司見行
收管欲望齊旨將上件屋宇給臣永遠居住從之十一月十五日詔魏勝
已降旨揮贈官賜春賜謚立廟厚恤其家可更賜田十頃宅一區二十八
日詔蕭即更不立官名仍賜與王子瞻等居住改也十四年九月二十三
日詔宗國公瑒令宅知臨安府張叔獻躬親相視普安郡王宅屋宇一體
脩造仍先盡國庫奏十五年四月十一日上遣入內侍省押班從梁修
內司銜茂實傳宣賜太師尚書左僕射魏國公秦檜第一區六月十二日
知臨安府張澄奏具修蓋賜太師尚書左僕射秦檜第宅官吏等職位姓
名詔第一等轉兩官資第二等轉一官資減二年磨勘第三等轉一官內
選人比類施行七月八日詔蕭瑀特出給料錢文曆請給宣撫司撥宅子
一所及于淮東係官田內撥賜田二十頃二十九日遣復少保武勝定國
軍節度使岳飛孫岳南伏陳乞將先祖生前置到江州田地房廊給還事
美戶部勘當本部下江州開具據江州申岳飛見在田產屋宇等下項一
見在田產計錢三千八百二十貫八十三文省田七頃八十八畝一角一
步地一十一頃九十六畝三角水磨五所房廊草瓦屋四百九十八間見
有人承佃田三頃一畝三角五十九步水磨二所廊房草瓦屋共一百五

十一間未有人承買田四頃八十六畝一角五十二步水塘三所地四頃
八十六畝一角二十一步荒雜地六頃一十八畝一角四十步岳家市見
今只存六十間地基屋宇共二百九十間本部今看詳江州申到岳飛上
件田產屋宇等取朝廷旨揮詔令給還八月二十日戶部伏准批下紹興
府申隨州觀察使索斷忠路邊到山陰縣坊郭全統第四首揮營屋官地
充賜地基等事奉鈔據本府申全統指揮見有營屋三十餘間委是空閑
欲依所乞給賜充宣賜第地基從之

宋會要 節鎮

節鎮陞降京東路 青州漢平盧軍節度淳化五年改鎮海軍 拱州舊
開封府襄邑縣崇寧四年陞為州尋又陞為保慶軍節度仍為東輔大觀
四年廢為縣仍舊隸政和四年復為州仍舊節度宣和二年罷置兩郡
齊州國朝初為防禦州治平二年陞興德軍節度政和六年陞為濟南府
密州漢防禦州周降軍事建隆元復為防禦開寶五年陞為安化軍節
度尋復降為防禦六年復陞節度元祐三年改臨海軍 萊慶府舊兗州
唐泰寧軍節度周降防禦建隆元年復節度大中祥符元年陞為大都督
府政和八年陞為萊慶府 徐州國朝陞為大都督府 興二府舊曹州
督府彰信軍建中靖國元年改興仁崇寧三年陞興仁府仍還彰信舊節
東平府舊鄆州宣和元年陞為東平府金坡遺事青州鎮海軍管內觀
察處置押新羅渤海兩番等使即北海郡古青州海岱惟青州周成王封
太公是為齊國所謂營丘後徙臨淄亦其地南燕慕容德都此 密州安
化軍管內觀察處置等使即高密郡古青州分國密水為名後魏為膠州
隋唐為密州 曹州彰信軍管內觀察處置等使即濟陰郡古荊河州分
在周為曹國後魏為西兗州 鄆州太平軍管內觀察處置河堤等使即

東平即古兗州分春秋為魯之附庸須句也州理古須句縣又有鉅野澤
即春秋西狩獲麟之地 具州永清軍管內觀察盧置等使即清河郡古
兗州分又曰兗冀二州之境清河漢歷縣也後桓帝改為甘陵古曰貝丘

京西路 隨州國朝初為防禦州乾德五年陞崇義軍節度太平興國

元年改崇信軍 金州晉懷軍節度後為防禦乾德五年陞為昭化軍節

度 房州國朝初為防禦州雍熙三年陞為保康軍節度 襄陽府舊襄

州宣和元年陞為襄陽府 鄧州政和二年依舊為上州均州舊為防禦

州宣和元年陞為武寧軍節度 蔡州國朝初為防禦州景祐二年陞為

淮康軍節度 穎昌府崇寧四年為南輔隸京畿宣和二年罷置輔郡

鄭州建隆元年陞為防禦景祐元年陞奉寧軍節度熙寧五年廢隸開

封府元豐八年復治官城縣元祐元年為奉寧軍節度政和四年為輔郡

滑州後唐義軍節度太平興國元年改武成軍熙寧五年廢隸開封府

孟州政和二年陞為濟源郡 淮寧府舊陳州上州宣和元年陞為淮

寧府 潁州元豐二年陞為順昌軍節度 陸海軍舊汝州政和五年以

歲比豐登矜祥屢發可陞為陸海軍節度劉豫改為防禦州紹興九年收

復依舊金坡遺事隨州崇信軍管內觀察盧置等使即漢東郡古荊州分

春秋隋侯之國傳曰漢東之國隋為大入秦即漢蔡陽有光武舊宅及白水在焉後魏置南荊州隋置荊陵郡 金州昭化軍管內觀察廢置等使即安康郡古梁州分僻嘗居之謂之鳩墟世紀謂之姚墟而漢置東梁州其地出金同改為金州 房州保康軍管內觀察廢置等使即房陵郡春秋庸國後改為房陵以縣有房山故名之 襄州山東東道管內觀察廢置兼三司水陸發運橋道等使即襄陽郡禹貢荆河之南境漢魏置郡為重鎮與江陵為唇齒又為鄢郢北門有襄漢二水及峴山 鄧州武勝軍管內觀察廢置等使即南陽郡古荆河分春秋時申伯鄧侯二國之地穰縣秦封為穰侯國 許州忠武軍管內觀察廢置等使即潁川郡古荆河州分春秋許國七國時韓魏二國之境 滑州武成軍管內觀察廢置河堤等使即靈昌郡古兗州分豕韋氏之國漢置東郡有滑臺古城又有水陽津一名白馬津孟州河陽三城管內觀察廢置河堤等使即古孟津亦曰富平津中渾城本東魏所築仍置河陽關唐會昌三年置孟津初以懷州為理所四年移理孟州 東州鎮安軍管內觀察廢置等使即淮陽郡古荊河州分今理宛丘昔庖犧都曰太昊之墟周初封舜後鳩滿於此以備三恪為陳國後魏為北揚州河北路舊分東西後併為一路熙寧六年

復分二路 冀州慶曆八年陞武安軍節度 開德府舊澶州崇寧四年
建為北輔五年陞為開德府節度宣和二年罷置輔郡 河間府舊瀛州
為防禦州大觀二年陞為河間府瀛海軍節度 真定府宣和二年以成
德軍稱信德府舊邢州安國軍宣和元年陞為信德府 慶源府舊趙
州崇寧四年陞為慶源府仍以慶源軍節度 中山府舊定州唐義武軍
節度太平興國元年改定軍軍政和三年改中山府中山郡 瀛州舊通
利軍政和五年八月陞為州瀛州軍節度九月又改為平川軍金坡遺事
澶州鎮寧軍管內觀察處置河堤等使漢頓丘地唐武德四年置澶州五
代時自梁以刺史理之晉陞為防禦隸相州移理德勝南渡後陞為節度
以濮州隸之 汾州寧化軍管內觀察處置等使即西河郡有介休縣介
休綿上山有介子推祠 定州定武軍管內觀察處置北平軍等使即懷
陵郡古冀州分先始封唐國之地漢為中山郡後魏武帝時為定州又秦
秋時鮮虞國 滄州橫海軍管內觀察處置等使即景城郡古兗州分漢
為渤海郡後魏為滄水郡今理清池即漢浮陽縣在浮水之陽又東光縣
有胡蘇河無棣縣因無棣溝為名邢州安國軍管內觀察處置等使即鄆
鹿郡古冀州分亦邢國也又為襄國石勒都此又平鄉縣即古大鹿之野

本作建隆
元年

有沙丘之臺紆所築 相州彰德軍管內觀察處置等使即鄴郡古冀州
分設王河雲甲居相即其地秦為邯鄲郡後趙石季龍前燕慕容皝都此
燕山府路 燕山府古幽州漢置涿郡唐武德元年改為燕山天寶元年
復為幽州號廣陽郡永清軍節度宣和四年十月改為府 涿州漢涿郡
地唐置州宣和四年十月賜名涿州郡威行軍節度 檀州漢漁陽郡地
隋置州宣和四年十月賜名橫山郡安遠軍節度 平州漢遼西郡地隋
置州宣和四年十月賜名海陽郡撫寧軍節度 陝西熙寧五年分為永
興軍秦鳳二路今按元豐九域圖除永興一路外鄜延環慶涇原秦鳳熙
河分為五路 永興軍路陝州唐保義軍節度太平興國元年改保平
軍 河中府唐河中府河中節度國朝改為護國軍節度 同州唐正德
軍節度梁為忠武軍後唐復舊周降為軍事國朝改定國軍節度 華州
唐鎮國軍節度周降為軍事國朝初為鎮國軍節度皇祐五年改鎮潼軍
京兆府宣和二年以永興軍稱鄜延路耀州後唐順義軍節度後為國
練開寶五年復為感義軍節度太平興國元年改感德軍 環慶路慶陽
府舊慶州政和七年陞為慶陽軍宣和元年陞為府 寧州宣和元年陞
為興寧軍節度 涇原路涇州唐彰義軍節度太平興國元年改彰化軍

渭州政和七年陞為平涼軍 熙河路熙州熙寧五年八月以唐臨州地
羌人號武勝軍地置鎮洮軍十月改熙州臨洮郡節度 蘭州元豐四年
九月建州為帥府以熙州為列郡 西寧州舊鄯州崇寧二年陞為隴西
節度仍置都護大觀二年改為西平郡作中都督府尋為隴西節度加賓
德軍 樂州舊遼川城元符二年建為澶州崇寧二年為副都護大觀二
年賜名嚮德軍節度宣和元改今名名金城遺事華州鎮國軍管內觀察
處置等使即華陰郡古雍州分同畿內國秦為內史地漢屬京兆尹後魏
置東雍州唐復為華州西岳在焉 耀州感德軍管內觀察處置等使本
華原縣唐屬京兆府李茂貞建節為耀州號義勝軍以同州美原縣為界
州以隸之梁改為崇州靜將軍後唐改為順義軍後降為國祿州周降為
刺史州直屬京師皇朝後為節鎮 涇州彰化軍管內觀察處置押蕃落
等使即安定郡古雍州分以涇水為名 同州定國管內觀察處置等使
即馮翊郡古雍州分秦為內史項羽分為塞國漢祖置河上郡景帝復為
內史武帝改為左馮翊魏祖為馮翊以二水同流為名 延州彰武軍管
內觀察處置等使即延安郡古雍州分春秋白翟之地秦分董翳王翟都
高奴即此地亦朔方郡南境後魏置東夏州 秦州雄武軍管內觀察處

置押蕃落等使即天水郡古雍州分古西戎之國秦始封之邑郡有秦亭
秦谷漢分隴西置天水郡郡有大坂名曰隴坻 鄠州靜難軍管內觀察
處置押蕃落等使即新平郡古雍州分昔公劉據豳即其地也秦為內史
漢為右扶風唐開元改豳為鄠 洮州保順軍管內觀察處置等使即臨
洮郡秦漢以來為諸戎之地郡城本名洮陽城臨洮水洮水出吐谷渾界
鄠州保大軍管內觀察處置等使即洛交郡古雍州分春秋白狄之地
秦屬上郡左馮翊地後魏置北華州唐為鄠州漢雖隴之地又三川漢隴
道縣也又云鄠時河東路 太原府唐大都督太原尹河東節度使太平
興國四年平劉繼元降為軍事州嘉祐四年復為太原府河東節度大觀
元年陞為大都督府 隆德府舊潞州唐昭義軍節度太平興國元年改
昭德軍建中靖國元年改為隆德軍崇寧三年陞隆德軍為隆德府仍還
昭德舊郡 麟州唐建寧軍節度端拱元年改鎮西軍 府州崇寧元年
改為靖康軍建炎元年改府州靖康軍額為保成軍 平陽府舊晉州政
和六年陞為平陽府金坡遺事麟州鎮西軍管內觀察處置等使即新
郡古雍州分隋已來銀勝二州地漢武帝使賁充朔方已而新秦中即
其地也銀城縣有光祿塞 府州永安軍管內觀察處置等使五代時漢

陞為永安軍後降為團練州周復為節度 晉州建雄軍管内觀察使置
等使即平陽郡古冀州分泰漢為東郡劉元海補漢屠都於此後起為晉
州置總管府有姑射山屬臨汾 浙東西路 杭州唐鎮海軍節度淳化
五年改寧海軍大觀元年陞為帥府建炎三年陞為臨安府 蘇州後唐
中吳軍節度太平興國三年改平江軍節度 潤州唐為浙江西道團練
觀察亦為鎮海軍節度開寶八年為鎮江軍節度湖州唐宣德軍節度景
祐元年改昭慶軍 婺州晉武勝軍節度淳化元年改保寧軍 明州唐
浙東觀察使錢鏐置望海軍建隆二年改奉國軍節度 越州大觀元年
陞為帥府紹興元年改紹興府平江府政和三年陞為平江府平江軍節
度 鎮江府政和三年陞為鎮江府鎮江軍節度 應道軍舊溫州晉靜
海軍節度太平興國三年陞為軍事政和七年陞為應道軍建炎三年罷
軍額 嚴州舊睦州宣和元年為建德軍節度三年改今名仍為遂安軍
嘉興府舊秀州慶元元年改為嘉興府嘉定元年十二月三日詔嘉興
府陞為嘉興軍以守臣趙希道言嘉興係孝宗皇帝儲祥毓聖之郡故也
金坡遺事蘇州平江軍管内觀察處置堤堰橋道等使節吳郡古揚州分
春秋吳國之都自閭閻後都此漢亦為會稽至順帝浙江以西為吳郡以

東為會稽郡 潤州鎮江軍管內觀察處置堤堰橋道等使即丹陽郡古

揚州分漢為丹陽吳初為京城後改為建業晉元渡江都建業梁改守為

丹陽尹宋為南徐州又丹陽古雲陽也又建業趙愍帝諱改為建康也

湖州宣德軍管內觀察處置等使即吳興郡古揚州分亦防風氏之國史

記汪國氏之君守封禺之山即防風地隋置湖州以太湖為名州東有太

湖一名五湖 鹽州保軍軍管內觀察處置等使即東陽郡古揚州分理

金華縣置東陽郡陳為金華郡以鹽水之分為名 明州奉國軍管內觀

察處置等使即餘姚郡古揚州分餘姚山記云舜父所封舜姚姓故曰餘

姚又姚立山舜所生上虞縣也州因四明山為名淮南東路 揚州唐淮

南節度建炎元年陞為帥府 亳州晉為防禦大中祥符七年陞為集慶

軍節度 保靜軍舊宿州建隆元年陞為防禦開寶五年陞為保靜軍節

度劉豫改為防禦州紹興九年改復依舊 淮南西路壽春府舊壽州政

和六年陞為壽春府 廬州大觀二年為望 壽安慶軍舊舒州政和五

年改德慶軍紹興十七年改安慶軍 光州宣和元年為光山軍節度

金坡遺事亳州集慶軍管內觀察處置等使即譙郡周封神農之後於

後改為譙即其地也春秋時屬陳戰國時屬宋魏置譙郡後改為亳州

宿州保靜軍管內觀察處置等使本徐州符離縣唐元和四年置宿州皇
朝建節 廬州保信軍管內觀察處置等使即廬江郡古揚州之域廬子
之國也春秋舒國之地歷代為重鎮亦為南荆河州隋初為廬江郡唐為
州又為廬江郡 壽州忠正軍管內觀察處置等使即壽春郡古揚州之
域秦為郢都又項羽用縣布為九江王都六即此也漢為淮南國魏晉歷
代為重鎮梁為荊河州亦曰壽陽又六安郡福建路 福州唐威武軍節
度周改彰武軍太平興二年復為威武軍建炎三年陞為帥府 建寧府
舊建州偽閩鎮武軍偽唐改永安軍又為忠義軍後為軍事端拱元年陞
為建寧軍節度紹興三十二年十月二十二日以孝宗潛藩陞建寧府
泉州偽唐清源軍節度太平興國三年改平海軍金坡遺事福州威武軍
管內觀察處置兼二 發運等使即長樂郡古揚州分閩越地秦為閩中
郡漢分置南部都尉歷代或為閩置泉州唐後為福州 建州建寧軍
管內觀察處置等使即建安郡古揚州之域本閩越地秦屬閩中郡唐建
州為名建安縣有武夷山泉州平海軍管內觀察處置等使即清源郡古
揚州分屬漢土地與長樂郡同唐始移置泉州於此江南路 江寧府偽
唐江寧府開寶八年為昇州天禧二年復為江寧府建康軍節度建炎元

年陞為帥府三年改建康府 江州偽唐奉化軍節度開寶八年降軍事

州 寧國府舊宣州乾道二年八月二十六日以孝宗潛藩陞 撫州偽

吳昭武軍節度開寶八年降軍事 隆興府舊洪州鎮南州節度先是

軍言係孝宗潛藩乞依靜江府例陞為府額隆興元年十月二十五日陞

為興隆金坡遺事宣州寧國軍管內觀察處置等使即宣城即古揚州分

即境有蕪湖牛渚亦謂之採石 處州昭信軍管內觀察處置等使即而康

即古揚州分今理縣又 庾嶺一名塞上嶺五嶺之一也秦屬九江漢

屬豫章 荊湖路潭州唐武安軍節度乾德元年降防禦州端拱九年復

武安軍節度大觀元年陞為帥府 鄂州唐武昌軍節度後唐改武清軍

太平興國三年復為武昌軍 德安府舊安州唐安遠軍節度晉降為防

禦州後復為安遠軍周又降為防禦建隆元年復為安遠軍節度宣和元

年陞為德安府 常德府唐朗州周武平軍節度建隆四年降為團練州

大中祥符五年改鼎州後為永安軍額以犯陵名崇寧元年改為靖康軍

政和七年陞為常慶軍節度乾道元年九月二十一日以孝宗潛藩常

德府 岳陽軍舊岳州宣和元年陞為岳陽軍節度紹興二十五年改岳

州軍為華容軍三十一年依舊 淳熙四年二月二十三日詔荆南府依

域

軍額詔陞為

為江陵府先是湖北安撫司乞依建康平江鎮江府例就以荆南為名嘗
從其請至是吏部侍郎周必大言前後除本府倅或作江陵府或作荆南
府而不知荆南是節鎮之名江陵乃府號也隨時差互失於釐政昨來湖
北安撫司不以圖經九月志為證士民及公移皆以荆南為稱亦不知節
鎮行移自來多用軍額遂倣建康等三府例就以荆南為名有司既以其
說為是朝廷遂從其請今擬注幕職官合行申明故有是詔 成都府路
成都府唐成都府劍南西川節度太平興國六年降為益州端拱元年復
成都府劍南西川節度淳化五年降為益州嘉祐六年復為劍南西川
節度 崇慶府舊蜀州紹興十四年以太上皇帝潛藩陞為崇慶軍節度
淳熙四年陞為府 嘉定府舊嘉州慶元二年改為嘉定府開禧元年十
月十三日嘉定府言本府舊係嘉州昨以今上皇帝自嘉王陞正大位
蒙陞為嘉定府竊觀祖宗典故應係潛藩皆陞節鎮本府即係今上皇帝
潛藩乞降賜軍額詔陞嘉慶軍 潼川府路舊梓州路重和元年改 潼
川府舊梓州唐劍南東川節度偽蜀改天正軍乾德三年改安靜軍端
拱二年復劍南東川節度元豐三年閏九月復詔稱劍南東川重和元年
十一月賜名潼川府 果州偽蜀永寧軍節度乾德三年降為團練 遂寧

隆慶府舊
晉安軍紹
興元年九月
十日以聖壽
壽皇聖帝
潛藩陞
添紹聖五
年上

正

府舊遂州遂寧郡武信軍節度政和五年陞為遂寧府武信軍節度依舊
瀘州宣和元年陞為瀘川軍節度 利州路紹興十四年分為東西路
後併為一軌道三年六月復分三路 利州偏蜀昭武軍節度景祐四年
改寧武軍 閬州後唐保寧軍節度乾德四年改安德軍 洋州偏蜀武
定軍節度景祐四年改武康軍 晉安軍舊劍州隆興二年十月以本州
言孝宗潛藩下給合議陞為晉安軍節度陞慶府 夔州路 夔州唐乾
元二年陞為都督府尋罷天成二年陞為江寧軍節度 重慶府舊恭州
淳熙十六年八月七日以聖安壽仁太上皇帝潛藩陞紹熙五年三月二
日詔利州西路安撫司依舊併歸東路興元府置司金坡遺事潭州武安
軍湖南管內觀察處置等使即長沙即古荊州之域三苗國之地春秋已
東為黔中地楚之南境有五里沙洲故曰長沙湘川之真而通嶺峽唇齒
荆雍取昭潭為名也 安州安遠軍管內觀察處置等使即安陸郡古荆
州分春秋鄒子之國漢屬江夏郡西魏置安州總管府 鼎州武平軍管
內觀察處置兼三司水陸發運等使制置武安靜江等軍事即武陵郡古
荊州域春秋楚地黔中漢曰武陵晉潘京曰本名義郡與夷陵相接光武
時改武陵桃花源即此地亦會為朗州 梓州安靜軍劍南東川節度

內營田觀察處置等使即梓潼郡古遂州之域梁末置新州隋改為梓州
唐為梓潼郡 遂州武信軍管內觀察處置橋道等使即遂寧郡古梁州
之域今理方義縣 利州昭武軍管內觀察處置橋道等使即益昌郡古
梁州之域春秋蜀侯之國蜀之北境後魏立益州代號為小益州古劍閣
道秦使司馬錯伐蜀所由謂之石羊道漢葭萌縣之地 閬州安撫軍管
內觀察處置推並制置等使即閬中郡古梁州之域居蜀漢之半又當東
道要衝梁置北巴州西魏置崇州及並龍郡古閬中域前非閬水 黔州
武泰軍管內觀察處置等使即黔中郡古荆州之域蠻夷之國春秋楚地
通云五溪五溪謂辰沅沔沅等五溪也隋初為黔安郡唐曰黔中 洋
州武定軍管內觀察處置等使即洋川郡古梁州之域春秋戰國皆楚地
三國時為蜀重鎮因水為名西鄉縣有漢班超封定遠侯故城在焉 夔
州寧江軍管內觀察處置兼雲安權並制置等使即雲安郡古梁州之域
春秋夔國之地三國時為重鎮先主為吳將陸遜所敗退止白帝改為永
安隋為巴東郡唐為夔州有白帝城廣南路 廣州梁青海軍節度後入
偽漢開寶四年收復仍舊節度大觀元年陞為帥府 肇慶府舊端州元
符三年陞為興慶軍政和八年改為肇慶府仍為肇慶軍節度 永慶軍

紹興元年陞德慶府十四年置永康軍節度 容州唐防禦經畧開寶四年陞寧遠軍節度 桂州大觀元年陞為帥府為大督府紹興三年陞靜江府 宜州宣和元年陞為遠慶軍節度融州大觀三年陞為清遠軍節度 瓊州政和元年陞為靖海軍 鎮州 大觀元年建仍為龍門郡下都督府陞為靖海軍尋廢金坡遺事容州寧遠軍管内觀察處置等使即普寧郡古南越城秦屬象郡隋為合浦郡唐置銅州後改為容州 桂州 靜江軍管内觀察處置等使即始安郡古南越城秦為桂林郡漢屬零陵蒼梧二郡梁置桂州有桂江荔江一名離水荔水其源多桂不生蕉樹邕州建武軍嶺南西道管内觀察處置等使即調寧郡古南越城秦屬桂漢屬鬱林郡唐置南晉州後改為邕州又置邕管經畧使 化外節鎮 州大同軍管内觀察處置等使即雲中郡有白登臺漢高祖被匈奴圍於此又有故高柳城又有平于臺光武所登也朔州振武軍管内觀察處置押番落營田等使安北都護即焉也郡戰國時屬燕漢末置新興郡後魏置朔州唐謂之焉也郡 新州威塞軍管内觀察處置等使後唐陞為威塞軍城儒武三州隸之 應州彰國軍管内觀察處置等使後唐陞為彰國軍以塞州隸焉 靈州天德軍管内觀察處置等使即九原郡國鎮焉

名其河自九原東流千里在府州北其西河之側也 瓜州歸化軍管內
觀察處置等使即晉昌郡古西戎地又瓜州燉煌郡齊湊三苗于三危處
古謂之瓜州其地生美瓜故名之亦古流沙之地有三危山又有渇注水
又有玉門關也 沙州歸義軍管內觀察處置等使即燉煌郡自瓜州分
置 勝州振武軍管內觀察處置等使即榆林郡二漢為雲中五原郡之
地史記云秦匈奴樹榆為帥所謂榆溪塞也又有古靈州城拂雲堆又有
榆林關 慎州昭化軍管內觀察處置等使唐武德初隸幽州五代為慎
瑞師觀察皇朝建節 見在境外四鎮 幽州盧龍軍管內觀察處置等
使即范陽郡因幽都山以為名周武王封召公於燕又命主幽州古之涿
鹿也燕國之都謂之渤海之國大都督府 靈州朔方軍管內觀察處置
營田押番落度支鹽池樵稅等使大都督府即靈武郡古雍州分舊是赫
連東國後魏明帝築城置州即今郡也有鹽池鳴沙賀蘭山薄骨律鎮
夏州定難軍管內觀察處置押番落等使都督即朔方郡古雍州分秦為
上郡地漢武取河而地為朔方郡晉亂夏赫連勃勃都號黑水之南勃勃
號統萬城後為拓跋氏所居 涼州河西軍管內觀察處置押番落等使
即武威郡古狄地也漢武置武威郡魏晉至唐謂之涼州 兩鎮見降為

防禦州 并州太原郡舜分冀州為并置十二牧即其一也秦并天下為太原郡唐為并州又為北都及為北京改為太原府 益州蜀郡魏晉之後為益州唐為成都府

宋會要地理州縣陞降廢置

高宗建炎元年六月二十一日宰臣李綱言守禦之策當以河北河東之地建藩鎮立豪傑使自為守朝廷量以兵力援之而於汳河汳淮汳江置帥府要郡以控扼京畿路割京東路拱州京西北路鄭州京西南路潁昌府順昌府為輔郡大名府路大名為帥府恩州為要郡德博為次要郡開德府路開德為帥府滑州為要郡濮州為次要郡橫海軍路滄州為帥府清州為要郡濱永靜為次要郡京西北路河南為帥府河陽為要郡汝蔡為次要郡京西南路襄陽為帥府鄧州為要郡唐隨為次要郡陝西路永興為帥府河中陝府為要郡解虢

同華為次要郡京東路青州為帥府濟南為要郡登萊
沂密為次要郡京東西路東平為帥府興仁襲慶為要
郡徐州為次要郡淮西路壽春為帥府廬舒蘄為要郡
光黃濠和為次要郡淮東路揚州為帥府宿亳楚泗為
要郡真海通泰為次要郡荆湖北路荆南為帥府德安
鄂鼎為要郡岳復澧為次要郡荆湖南路潭州為帥府
衡州為要郡道永為次要郡江南東路江寧為帥府江
宣為要郡池饒太平為次要郡江南西路洪州為帥府
虔州為要郡袁吉為次要郡兩浙西路杭州為帥府鎮
江蘇湖為要郡常秀嚴為次要郡兩浙東路越州為帥
府明婺為要郡溫處衢為次要郡從之

白馬縣章城

縣昨城縣熙

寧五年廢滑

州以三縣來隸

○管城縣新

鄭縣熙寧五

年廢鄭州以

二縣來隸。太

康縣政和四年

割隸拱州宣和

六年復來隸延

津縣政和七年

以酸棗縣改。

襄邑縣舊拱

皇祐五年以曹陳許鄭滑五州為京畿路至和二年罷

開封府長垣縣舊斤城縣建隆元年改以下係白馬縣二氏

河南府望陵縣乾德元年廢隸登封縣 河清縣唐治

朝崖阮池開寶六年移治白陂鎮慶厯三年廢為鎮四

年復置 永安縣本永安鎮景德四年陞為縣以奉陵

寢 壽安縣慶厯三年廢為鎮四年復置 偃師縣熙

寧三年廢為鎮四年復置熙寧五年又廢八年復置

福昌縣熙寧五年廢為鎮隸壽安縣元祐元年復 穎

陽縣熙寧五年廢為鎮隸登封縣元祐二年復 景德

四年正月十二日詔曰朕恭朝陵寢式展孝思仰惟列

聖之靈方積昊天之感營建城邑克奉山園祇率徽章

州紹興九年廢
為襄邑縣來
隸

此段接第三
行建隆元年
改

一
卷四十二頁八

用崇先烈永安鎮特建為縣隸河南府同赤縣令本府
與轉運司割移近便人戶二稅正輸縣倉不得移撥常
賦外特免其他役著于甲令慰朕永懷初議建陵邑有
司擇縣名真宗曰可名永安安字宣祖陵名也又視詔
草但云建縣謂王旦等曰克奉陵寢當為赤縣乃下詔

宋會要

應天府劉豫改為歸德府紹興九年收復依舊宋城
縣寧陵縣柘城縣穀熟縣楚邱縣下邑縣虞城縣景德
三年陞宋城為次赤餘縣為次畿大中祥符七年陞宋
城為正赤餘縣為正畿寧陵縣政和四年割隸洪州
宣和六年復來隸宣和六年六月七日詔太康縣依

舊隸京畿寧陵縣屬南京拱州以襄邑并南京柘城為
屬縣以太康賦稅合輸京畿而寧陵戎兵衣糧係南京
支撥故也

大名府元城縣大名縣莘縣朝城縣永濟縣內黃縣成
安縣魏縣洹水縣館陶縣臨清縣宗城縣夏津縣冠氏
縣經成縣慶歷二年升元城大名為次赤餘並為次畿
永濟縣慶歷二年為次畿熙寧五年廢為鎮隸館陶
縣尋改隸臨清縣臨清縣慶歷二年陞為次畿熙寧
五年廢為鎮隸宗城縣尋復大名縣慶歷二年陞為
次赤熙寧六年廢為鎮隸元城縣紹聖三年復經成
縣慶歷二年陞為次畿熙寧六年廢為鎮隸宗城縣

南樂縣慶歷二年陞為次畿紹聖三年廢隸大名縣
洹水縣熙寧六年廢而鎮隸城安縣熙寧六年六月
十八日北京留守司河北都轉運司言館陶縣在大河
南隄之間欲遷于高固村以避水公私以為便從之
紹聖三年十一月九日北京留守司言得旨移南樂縣
於廢罷大名赤縣基內建置請以大名縣為名從之
崇寧三年七月二十二日宰臣蔡京言被旨京畿四面
可置輔郡屏衛京師謹酌地理遠近之中割移縣鎮以
潁昌府為南輔以汝之郊縣隸之襄邑縣為東輔以南
京寧陵楚兵柘城京畿之考城大康隸之鄭州為西輔
以西京密縣隸之澶州為北輔以北京朝城南樂隸之

四輔部為節度以太中夫夫以上知州置副都總管鈴
轄各一員知州為都總管餘依三路帥臣法從之

漢平盧軍節度淳化五年改鎮海軍十月十四日詔曰
眷彼營邱控于東夏太公開四復之地小白舉九合之
師忠烈猶存風流可尚宜改總戎之號用旌表海之邦
青州平盧軍改為鎮海軍時命曹彬為青州節度使中
書奏按唐乾元中侯希逸為平盧軍使本平州之地
也朝廷因授節度屢為賊所迫希逸率將士累破入為
奚虜所侵乃拔其軍二萬餘人且行且戰達青州詔就
加希逸為平盧淄青節度使自是迄今淄青節鎮皆帶
平盧之名今青州頗為重地請以鎮海為額杭州僻在

海隅請為寧海軍乃下是詔 政和元年八月二十七日尚書省言應九域圖志內有合陞降州縣刪改修立勘會興仁府為東輔青州為齊郡濰州為北海郡從之

宋會要

密州漢防禦州周降軍事建隆元年復為防禦開寶五年陞為安化軍節度尋復降為防禦六年復陞節度元祐三年改臨海軍 安丘縣唐輔唐縣梁改安丘晉改膠西開寶四年復今名 膠西縣元祐三年以板橋鎮陞為縣

拱州舊開封府襄邑縣崇寧四年陞為州尋陞為保慶軍節度仍為東輔以南京寧陵縣楚邱縣柘城縣開封

府考城縣太康縣隸焉大觀四年廢為縣依舊為襄邑隸開封府以寧陵楚邱柘城三縣依舊隸南京以考城太康依舊隸開封府政和四年復為州五縣復來隸宣和二年罷置輔郡 崇寧三年二月九日詔京師川原平衍無阻山帶河之險比建四輔拱翼都邑澶鄭潁昌因舊節度以壯屏翰之勢其新置拱州可依澶鄭例賜軍額為保慶 大觀四年十一月九日臣寮言伏聞王畿象日盡地千里所以大勢而尊朝廷宅地中而制天下惟其規模壯偉氣象寬宏故四方萬里引首面內知其為天下之都竊見近罷四輔除許鄭澶舊屬京西河北已各還逐路外拱州元係開封府襄邑縣今乃割隸

京東王畿舊地賦于前而有害無利今自京至拱州仍
不滿百里之地非三代都邑之法不足以雄視四方伏
乞罷拱州依舊為襄邑縣隸開封府以復京畿之舊其
知縣仍選第二任通判資序有風力人充詔依舊為襄
邑縣舊屬開封府縣分並依舊 政和四年十一月十
日京畿轉運司奏承勅襄邑縣復為拱州依舊隸京畿
契勘昨建拱州日係以京畿襄邑大康考城縣應天府
寧陵楚邱柘城縣六縣隸焉今既復拱州依舊隸京畿
竊慮上件六縣便合依舊撥隸拱州詔並依舊隸拱州
政和四年十二月八日奉寧軍奏本州先于崇寧四
年內陞為輔郡隸屬都畿至大觀四年內罷輔郡割屬

畿西伏觀拱州復為輔郡依舊隸都畿詔鄭州開德府
潁昌府並依舊為輔郡隸京畿 紹興九年三月十九
日中書門下省言河南諸路州軍新復之初今權宜指
置京城已差留守及京畿路差置漕憲外其拱州舊係
襄邑縣合依舊為縣隸京畿路從之

齊州宋朝初為防禦州 政和六年陞為濟南府 臨
邑縣舊治權家村建隆元年以河決公乘渡壞城縣三
年徙治耿鎮 長清縣至道二年徙治刺榆店 臨濟
縣咸平四年廢隸章邱縣 章邱縣景德三年以縣置
清平軍熙寧三年軍廢縣來隸即縣治置清平軍使
清平縣舊清平縣熙寧三年廢軍使縣隸州即縣治置

清平軍使

登州唐中都督府乾德元年降為上州

濰州本青州北海縣建隆三年于縣置北海軍乾德三

年陞為州北海縣建隆三年自青州來隸昌邑縣

隋昌都縣唐廢建隆三年置昌樂縣唐楚邱縣後廢

乾德三年復置安仁縣後改今名

淄州鄒平縣舊治縣北故城景德元年徙治廣陽城

高苑縣景德三年以縣置宣化軍熙寧三年軍廢縣復

來隸即縣治置宣化軍使宣化縣舊宣化軍熙寧三

年廢軍為縣隸州即縣治置宣化軍使

淮陽軍太平興國七年以徐州下邳縣建為軍下邳

縣宿遷縣七年自徐州來隸

龔慶府

舊

龔州

唐秦寧軍軍節度周隆防禦建隆元年遷

節度大中祥符元年陞為大都督府政和八年陞為龔

慶府端拱元年三月二十一日京東轉運使劉甫英

言兗州龔邱縣民請還于舊邑從之先是國家有東封

之意故遷是邑以供行在至是中輟民欲復其故地

龔慶府瑕縣大觀四年以瑕邱縣改龔縣大觀四年

以龔邱縣改鄒縣熙寧五年廢為鎮隸仙源縣元豐

七年復政和八年八月二十五日知梁山軍韓琦奏

考通典元天大聖后夢感天人誕育聖祖于壽邱實今

兗州大中祥符間改曲阜縣為仙源茲乃國家帝慶福

地太宗始封此邦聖祖真蔭派光無極乞陞兗州為府
冠以美名詔陞為襲慶府 兗州奉符縣舊名乾封開
寶五年移治 岱嶽鎮大中祥符元年改 仙源縣舊
名曲阜大中祥符五年改
徐州宋朝陞為大都督府 利國監徐州彭城縣狄邱
鐵冶務太平興國四年陞為監

興仁府舊曹州督府彰信軍建中靖國元年改興仁崇
寧三年陞興仁軍為興仁府仍還彰信舊節 劉豫改
為曹州紹興九年收復依舊 曹州定陶縣本濟陰縣
定陶鎮太平興國三年隸廣濟軍熙寧四年軍廢以縣
來隸 兗州縣天觀二年以兗句縣改紹興九年廢入

濟陽縣

成武縣楚邱縣兩縣舊隸單州紹興九年隸

興仁府

政和元年八月五日詳定九域志何志同奏

興仁府自

天禧前已為輔臣郡宗寧三年以襄邑為拱

州建東輔

遂改興仁為督府今拱州既罷則興仁合復

為東輔舊制有大都督中都督下都督府之稱未有止

稱督府者

乞改正從之

紹興九年六月十日東京留

守司言知興仁府李上達

申本府見今止管濟陰宛亭

兩縣田土絕少

戶口凋弊乞將單州成武楚邱兩縣割

隸本府却將宛亭廢併入濟陰縣庶得稍成州郡從之

宋會要

鄆州咸平三年

因水災以地卑下移治舊州東南十里

陽穀縣舊順昌縣地景德三年徙治孟店 東平府

舊鄆州宣和元年陞為東平府 濮州建隆元年陞防

禦雍熙四年降團練 單州建隆二年陞為團練

廣濟軍乾德元年以曹州定陶置為發運務開寶九年

置為轉運司宣化軍 景德三年以淄州高苑縣建軍

熙寧三年廢隸淄州即縣治置軍使

京西大平興國三年分南北路後併一路熙寧五年復

分二路 南路紹興四年改為襄陽府路以襄陽府隨

鄆唐鄆州信陽軍六郡隸六年廢襄陽府路復置京西

南路以襄陽府唐鄆隨鄆金房均州信陽軍九郡隸十

三年割金州隸利州路十九年撥信陽軍隸淮南西路

熙寧五年八月二十四日詔以京西路分南北西路

襄鄧隨金房均郢唐八州為京西南路許孟陳蔡汝

穎七州信陽軍為北路建炎四年十月四日知樞密

院事宣撫處置使張浚言金房兩州東連襄鄧西控川

蜀道途險阻最為衝要今措置將金房兩州割屬利州

仍添差精銳軍馬前去屯駐與興洋等州互相照應關

防守禦勘會金房州已係分鎮去處昨差范之才充鎮

撫使身亡未曾差人詔令張浚一面選差有風力官充

鎮撫使仍先次之任訖具名聞奏詔興六年二月十

日都督行府言襄陽唐鄧隨郢金房均州信陽軍元係

京西南路欲乞改襄陽府路依舊為京西南路從之

鄧州政和二年依舊為上州又陞為望郡 順陽縣內
鄉縣順陽鎮太平興國六年陞為縣紹興五年廢為鎮
隸穰縣 淝川縣紹興五年廢為鎮隸內鄉縣三十二
年十二月三日自均州還隸 內鄉縣紹興三十二年
十二月三日自均州還隸 襄陽縣紹興四年陞為帥
府 光化縣乾德三年以穀城縣陰城鎮置光化軍熙
寧五年軍廢為縣來隸 中廬縣舊名義清太平興國
元年改紹興五年入南漳縣 鄧城縣紹興五年廢入
襄陽府 紹興五年七月二十五日鄧州言乞廢順陽
縣為順陽鎮隸穰縣廢淝川縣為淝川鎮隸內鄉縣各
差監官一員兼管酒稅烟火盜賊公事是日襄陽府言

乞廢鄧城縣併入襄陽縣廢中廬縣併入南漳縣並差
監鎮一員管幹烟火八事兼監酒稅從之 三十二年
十二月三日參知政事督視湖北京西路軍馬汪澈言
鄧州收復之後倚郭穰縣并南陽內鄉淅川共四縣昨
得旨權撥內鄉淅川兩縣隸均州候事定日依舊契勘
逐縣在鄧州西北二百餘里今隸均州即鄧州之地界
不過數十里切緣鄧州實為襄陽屏翰欲乞撥還從之

宋會要

襄州光化軍乾德元年以襄州穀城縣置軍仍置乾德
縣熙寧五年軍廢為光化縣省乾德縣隸襄州紹興二
十八年改為通化軍三十一年依舊 光化縣紹興二

十八年改為通化縣三十一年依舊

襄陽府舊襄州

宣和元年陞為襄陽府

均州舊為防禦州宣和元年陞為武當軍節度 豐利

縣乾德六年廢入鄖鄉縣

唐州建隆元年陞為團練 平氏縣開寶五年廢入泌

陽縣 方城縣慶歷四年廢入鄧州南陽縣元豐元年

以鄧州方城鎮復為縣還隸州 桐柏縣紹興五年廢

為鎮三十三年復為縣隆興二年九月二十五日廢為

鎮撥隸隨州 紹興五年九月十九日襄陽府安撫都

總管司言唐州桐柏縣在州之東與倚郭泌陽縣連接

即目不及百戶一年二稅贍養本縣官吏不足乞廢為

大石山火

鎮差監鎮一員兼酒稅烟大公事隸泌陽縣從之 三
十二年六月十日知唐州王彥忠言唐州舊管五縣內
桐栢縣先係在淮河之南分割外所存無多不能成縣
遂改為桐栢鎮其地分隸隨州棗陽等縣今來收復唐
州并復舊縣界地分了當入烟戶口不減隣近乞依舊
置縣仍將本縣舊管界內隸隨州棗陽縣等處地分還
隸本縣從之 孝宗隆興二年九月二十五日戶部尚
書兼湖北京西路制置使韓仲通言唐州桐栢縣係在
淮河之南昨紹興十二年與金國通和桐栢縣廢為鎮
撥隸隨州近復唐州獲旨桐栢鎮依舊為縣還隸唐州
今無所額欲乞依舊為桐栢鎮撥隸隨州從之

隋州宋朝初為防禦州 棗陽軍舊隨州 棗陽縣紹興
十二年陞為軍是年降軍使隸隨州 紹興十二年九
月一日工部尚書莫將言隨州與唐州接界欲陞棗陽
縣為軍將襄陽府東鄰唐州北抵光化軍地界東西割
五里屬棗陽軍其淮水之南有唐州桐栢鎮欲撥隸本
軍及乞于桐栢鎮務子頭置巡檢寨監鎮兼充巡檢詔
從之仍令帥司撥定屬縣申尚書省 紹興十二年十
月六日吏部言京西路安撫使司申乞將棗陽知縣兼
充軍使更不添置官屬取到進奏院狀隨州棗陽縣依
先降指揮陞為軍若為軍名即不隸隨州今來止令知
縣兼完軍使合隸隨州管下從之

金州晉懷德軍節度後為防禦 金州瀋陽縣乾德四
年廢入洵陽縣 平利縣熙寧六年廢為鎮隸西城縣
元祐元年復 紹熙十二年閏四月十日詔金州隸屬
利州路 紹熙十四年正月十五日金房開達等州經
畧安撫使知金州郭浩言商州于去年九月內規畫了
畢見存上津豐陽兩縣未有所隸邊面闊遠已差官兵
戍守并逐縣官吏合用錢糧係是金州應辦乞將兩縣
權隸金州檢察從之

房州宋朝初為防禦州雍熙三年陞為保康軍節度
建炎四年改隸利州路紹興六年依舊 上庸縣開寶
中廢入竹山縣 永清縣開寶中廢入房陵縣

郢州富水縣乾德二年廢隸京山縣

號州舊隸陝西永興軍紹興九年來隸

元豐三年正月九日詔中書曰潁州與區王國巨屏土
疆財賦既廣且繁朕祇荷永圖紹膺聖緒建旄授節實
基此邦宜錫府名用慰民望其陞許州為潁昌府于是
乃降制曰朕膺昊天之篤祐紹列聖之丕基昔在先朝
遙分外鎮眷許昌之巨屏有忠武之全師仗鉞瓜牙之
威惟我履升儲纂服實自是邦將爾山川陪浚都之王
氣敷乎民俗想夏禹之遺風爰舉故常特崇名號俾雄
藩輔之制式慰臣民之望心乃霽渙恩以彰休慶惟恩
並如潁州於戲擁旄問荷景命之有先布德行仁與舊

封而同樂咨爾黎庶體予顧懷 推恩在當年五月二十
十二日事見在後 五月二十二日賜尚書駕部員外
郎主管西京崇福宮孫京紫章服穎昌府父老等茶綵
有差京等六百二十二人以陞穎昌府詣闕謝上名見
勞賜之 宣和二年罷置輔郡 十二月四日詔罷置
輔郡穎昌開德府鄭州歸元隸路分割到縣撥還元處
內拱州依舊為州隸京東西路襄邑太康寧陵為屬縣
穎昌府帶京西北路安撫府界依舊為京畿 政和四
年十一月二十六日穎昌府奏乞將本府復充南輔穎
屬都畿從之 劉豫改為許州紹興九年收復依舊
鄭州建隆元年陞為防禦州景祐元年陞奉寧軍節度

熙寧五年廢隸開封府 元豐八年復治管城縣

元祐元年為奉寧軍節度政和四年為輔郡 管城縣

新鄭縣熙寧五年廢州以二縣隸開封府元豐八年復

州以縣還來隸 滎陽縣滎澤縣熙寧五年廢為鎮隸

管城縣元祐元年復 原武縣熙寧五年廢為鎮隸陽

武縣元祐元年復 景祐元年三月四日詔曰周制九

畿蓋尊冢內漢設二部實陪京師自相宅浚都夾右滎

圃奚稽扶翊之義參領防遏之兵肆先聖之時巡嘉肥

道之所出留宴耄老觀省風謠比覽侍臣之章請增戎

鎮之號別車傳旁午民間阜蕃固可以充奉寢園輔寧

都甸式循廣武之舊且寵建牙之威鄭州宜陞為節鎮

以奉寧為額

滑州後唐義成軍節度太平興國元年改武成軍熙寧
五年廢隸開封府 劉豫改為平涼府紹興九年收復
依舊 白馬縣熙寧四年八月十五日詔白馬縣復為
滑州隸京西繫浮梁葦城壘縣還來隸葦城昨城縣熙
寧五年廢州以三縣隸開封府元豐四年復為州縣還
來隸 紹興九年四月十二日同簽書樞密院事充東
京留守權開封尹王倫言今來已交割地界了當西國
軍葦界若有整會事宜各須州軍文移往來契勘滑州
係在河北岸其南岸與滑州相葦係是昨城縣今欲將
本縣陞作一州軍乞賜名額以便文移所有合置官屬

乙從朝廷一就差注詔依陞作朐城軍 四月十八日

詔新復州縣內滑州朐城縣已陞為朐城軍權隸東京
留守司令本司量度合置官屬踏逐辟差

孟州政和二年陞為濟源郡 河陰縣至道三年自河

南府來隸 汜水縣熙寧三年省縣為行慶關隸河南

府鞏縣四年復置縣還隸五年廢為鎮隸河陰縣元豐

三年復 王屋縣慶曆三年自河南府來隸四年還隸

熙寧五年復來隸

蔡州宋朝初為防禦州 確山縣舊名郎山大中祥符

五年改 大觀二年十一月九日詔曰王者因督師之

地立節制之名所以啟公侯之封大其土宇崇屏翰之

望衛於京師乃眷汝南之墟舊惟豫州之域控帶淮瀆
窳邇浚都城邑旁連允為劇郡賦輿錯出寶雉庶邦矧
迺氣侯本于中和風俗洽於康靜宜陞建牙之號式厲
經武之方蔡州宜陞為淮康軍

陳州政和二年六月二十六日提舉詳定九域圖志何
志同奏編修京西南北路一十七州軍圖志看詳文字
數內上望次序倒置或闕郡名若坊郭鄉里等處名稱
與殿閣或祖宗陵名相犯及流傳鄙俗難以書于地志
垂示久遠各已叅擬改立于傍通格及冊內貼說進呈
孟州今欲擬立為濟源郡鄧州欲乞陞改為望郡陳州
合依舊為上州從之

淮寧府舊陳州上州宣和元年陞為淮寧府 劉豫改為陳州紹興九年收復依舊

順昌府元豐二年八月二十四日詔曰本朝州郡之別土廣民衆則必表以節制之號況王者舊封之地顧可以無稱哉汝陰與區東豫舊壤朕實受胙于先帝以啟土茅宜加龍名周顥基命特穎州宜陞為順昌軍節度穎故團練州因知州事天章閣制羅拯以為言故下是詔舊穎州開寶六年陞為防禦劉豫改為穎州紹興九年收復依舊 汝陰縣六年移治州于城東南 萬壽六年以汝陰百尺鎮為縣咸平五年徙治舊城東南十里宣和三年以萬壽縣改泰和縣

汝州大觀元年四月初二日大司成強淵明奏契勘曹
滑汝元係輔郡昨承勅命京畿四面置輔郡以拱州為
東輔鄭州為西輔潁昌府為南輔開德府為北輔今來
四輔既已陞建其舊係輔郡去處合行改定所有曹州
本係潛邸已陞興仁府號伏望睿旨改為督府其滑州
係武成軍節度為緊汝州係防禦為上從之 寶豐縣
舊龍興縣熙寧五年廢為鎮隸魯山縣元祐元年復宣
和二年改 龍興縣宣和二年改為寶豐縣紹興九年
依舊

唐申州開寶九年降為義陽軍 五月十七日詔降申
州為義陽軍差本縣令知軍兼監麴商稅其餘縣分併

為一路置司寇叅軍縣尉各一員 羅山縣九年廢入
信陽縣雍熙三年復置 鍾山縣九年廢入信陽縣
紹興九年正月五日詔信陽軍撥隸淮西路從戶部請
也二十年三月十八日詔信陽軍撥隸湖北路從本軍
請也

陸海軍舊汝州政和五年以歲比豐登珍祥屢發可陞
為陸海軍節度劉豫改為防禦州紹興九年收復依舊
皇祐五年十二月二十七日詔曰朕惟有周成憲二
漢故事分置司輔以衛中都內史主風化司隸察淑慝
皆規畫於千里以表則于四方不恢藩翰之嚴曷大京
師之制宜以京東曹州京西陳許鄭滑州為輔郡並隸

畿內曹滑仍差近侍為知州置京畿轉運使以按察畿
輔逐州增鈐轄一員曹州更增都監一員留屯三千人
以時教閱若出屯即于開封府近縣或隣州徙兵足之
至和二年十月十二日詔罷京畿路轉運司使提點
刑獄陳許等五州各歸元隸路仍為輔郡今後所差知
州更不援例遷轉 熙寧十年三月八日侍御史知雜
蔡確言鄭滑舊為輔郡屏蔽京師頃因論者苟欲裁減
役人廢以為縣所利者小所害者大東西兩京相望數
百里大河之南直抵都城並無州郡為限雖有縣鎮形
勢輕弱非所以輔王畿疆根本也臣以請鄭滑二州皆
宜復置兼州廢尚近完復亦易諸般官舍未甚隳壞若

歲月滋久方圖興葺所費工力必須倍多奏議未下

河北路太平興國二年分河北南路雍熙四年分東西
路端拱二年併一路熙寧二年復分二路熙寧六年

七月二十七日詔以河北路分東西兩路北京瀘滄

冀瀛博雄霸恩德濱莫十二州永靜乾寧信安保定

四軍為東路真定府定相形懷衛汝磁深祁趙保十一

州安肅永寧廣信順安四軍為西路政和三年四月二

十三日詳定九域志蔡攸等奏今參考擬定下項清州

未有郡名案州治即舊乾寧軍大觀二年詔以河清之

瑞陞為清州今欲乞以舊軍名為乾寧郡保州未有郡

名案地後魏地形在漢晉曰北新城高祖太和元年分

新城置永寧清苑縣隋唐因之宋朝建隆元年以清苑
縣置保寨軍太平興國六年陞為州今清苑縣雖廢而
州治正故縣之地今欲乞為清苑郡雄州未有郡名按
本州在易水之南今欲乞為易陽郡霸州治永清縣後
永清雖廢今州治正在故縣之地今欲乞為永清郡定
州治博陵縣按州自漢至後魏或為郡或為國並號中
山隋始為博陵在蠡吾而蠡吾今為永寧軍本州不當
因舊額今欲乞復以中山郡為名慈州按唐書志廣韻
本草並作磁今州名從省作慈無所稽考今欲乞改作
磁

舊澶州崇寧五年陞為開德府節度宣和二年罷置輔

郡 衛南縣黎陽縣雍熙四年自滑州來隸 臨黃縣
端拱元年廢隸觀城縣 清豐縣慶厯四年徙治德清
軍 觀城縣皇祐元年併入濮陽頓邱縣四年復置於
水北鎮 頓邱縣熙寧六年廢為鎮隸濮陽縣 崇寧
五年十月二十一日知澶州李孝壽奏本州實太祖太
宗龍潛之地真宗巡狩臨幸遂獲建原廟元豐五年又
為陛下賜履之邦乞賜府額詔陞為開德府

舊瀛州為防禦州大觀二年陞為河間府瀛海軍節度
高陽縣開寶二年十二月四日詔瀛州高陽行縣復
舊邑先是高陽陷北虜嘗為邊民蹂躪虜遷其民於縣
北三十里為行縣而無城壁及朝廷復其疆土民上訴

請完葺故縣而居之故有是詔 河間縣舊縣在州衙
前雍熙中於縣西置平虜寨景德二年改為肅寧城三
年徙州就今治 樂壽縣至道三年自深州來隸
滄州保順軍開寶三年以滄扶州界保順吳橋兩鎮置
軍 無扶縣治平元年徙治保順軍即縣治置保順軍
使隸滄州 樂陵縣熙寧二年徙治成平鎮 饒安縣
熙寧五年廢為鎮隸清池縣 臨津縣熙寧六年廢為
鎮隸南皮縣
東疆縣熙寧元年廢為鎮隸信都縣十年復為縣 武
邑縣嘉祐八年廢為鎮隸蓆縣熙寧十年復為縣 新
河縣熙寧六年廢為鎮隸南宮縣

博州聊城縣淳化三年河決移州治李武渡西并縣遷

馬

該州建隆二年陞為團練州乾德三年陞防禦信陽

縣建隆四年置

容城縣建隆四年以唐廢全忠縣地置

莫縣熙寧六年廢為鎮隸河間縣元祐二年復十二月

復廢為鎮長豐縣熙寧六年廢為鎮隸任邱縣保

定縣宣和七年以軍使改

德州歸化縣乾德六年廢隸德平縣德平縣熙寧六

年廢為鎮隸安德縣

招安縣熙寧六年廢為鎮元豐二年復為縣大觀元

年六月十五日通判濱州張孝純狀契勘濱州在滄州之南缺州之東青州之北渤海之西雖非漢渤海郡亦漢渤海東南之境顏師古注前漢地理志解渤海郡曰在渤海之濱因此為名渤海郡即係是濱州從之

恩州唐貝州晉永清軍節度慶曆八年改恩州降軍事

清河縣端拱元年徙州北永寧鎮淳化五年徙今治清陽縣熙寧四年廢為鎮隸清河縣慶曆八年閏

正月七日詔曰甘陵舊國冀土要藩嘗建高牙俾殊夫郡偶出妖之竊發扇吏卒以相依輕弄庫兵共嬰州壘逮須捕擊始伏誅夷言念此邦久陶至化合懷忠憤同弭猖狂輒動匪人幾成汚俗雖本緣于誑誤良有玷于

和平宜錫嘉名且昭善貸其貝州可降為軍事州廢永清軍號仍賜恩州為額其廣南東路恩州以南恩州為額

乾寧軍太平興國七年以滄州永安縣陞為軍大觀二年陞為清州政和五年廢為縣乾寧縣太平興國七年以滄州永安縣北折置縣來隸熙寧六年廢為鎮元符二年復熙寧五年八月二十五日高陽關路安撫使韓忠彥言轉運司欲移乾寧軍於滄州乾符寨廢軍為縣以避河患人不以為便知滄州趙瞻亦言乾寧民心恟惧皆謂河水頗已順行又增隄數倍堅固移軍實有害無利乞速罷以安邊民從之元祐二年三月十

八日河北路都轉運司言乾德軍中舊有乾寧倚郭縣
自商胡口決人戶流散廢併入本軍近年人戶多已歸
業增及萬戶已上合復為縣從之 宗寧三年三月八
日戶部言乾寧軍乾寧縣歸化定邊兩鄉人戶狀本軍
元有倚郭乾寧一縣先于熙寧元年內將本縣廢罷入
軍元符元年蒙再復本縣竊緣自復置縣未創添役人
不唯止為役錢浩翰兼誦般催科甚是搔擾乞行廢罷
本縣併入本軍依舊一就通管從之 大觀二年三月
二十八日詔國家承平垂一百五十年三有河清之應
越千歲一清之期今乾寧軍河清踰八百里凡七晝夜
上天眷佑敢不承欽承其以乾寧軍為清州以答天休

布告中外咸使知之

永靜軍唐景州周降定遠軍隸滄州太平興國六年以軍隸京師景德元年改今名嘉祐八年廢熙寧十年復

東光縣太平興國六年自滄州來隸阜城縣淳化

元年自冀州來隸嘉祐八年廢為鎮隸東光縣熙寧十年復為縣將陵縣慶厯七年自德州來隸

信安軍太平興國六年以霸州淤口寨破虜軍仍以霸州永清文安二縣隸焉後二縣廢歸霸州景德三年改今名

真定府九門縣開寶六年廢隸橐城縣石邑縣六年廢隸獲鹿縣并陘縣熙寧六年廢隸獲鹿平山二縣

八年復置徙治天威軍 靈壽縣熙寧八年廢為鎮隸
行唐縣元祐二年復 宣和二年以成德軍稱
鄴縣熙寧五年廢為鎮隸臨漳縣 永和縣熙寧五年
廢為鎮隸安陽縣 湯陰縣宣和二年二月以縣隸潘
州八月內復來隸 宣和二年八月十八日朝請大夫
直祕閣知相州韓肖胄奏契勘本州舊管四縣內湯陰
縣於今年二月內潘州陞為節鎮割隸去訖隸本州係
久來節鎮去處湯陰縣是虜使往回食頓今割隸潘州
即相州州城之南十五里便屬別州界地分境土威近
不稱大藩虜使往來觀望非便詔湯陰縣依舊隸相州

宋會要

北平軍慶歷二年以定州北平寨置軍四年即北平縣
治置軍使隸定州 舊定州北平縣建隆元年自易州

來隸 無極縣景德二年自祁州來隸

懷州建隆元年為團練後陞防禦 修武縣熙寧六年

廢為鎮隸武陟縣元祐元年復 武德縣熙寧六年廢

為鎮隸河內縣

衛州獲嘉縣天聖五年自懷州來隸 衛縣五年建通

利軍以縣隸焉熙寧三年軍廢縣復來隸六年廢隸黎

陽汲二縣 黎陽縣熙寧三年廢通利軍來隸 新鄉

縣熙寧六年廢為鎮隸汲縣元祐三年復 通利軍端

拱元年以滑州黎陽縣置通利軍縣仍隸焉天聖元年

年改安利四年以衛縣來隸明道二年復為通利熙寧
三年軍廢縣隸衛州

洺州建隆元年陞為防禦 曲周縣熙寧三年廢為鎮

隸雞澤縣元祐二年復 西臨洺縣熙寧六年廢為鎮

隸永年縣元祐二年復為縣九月復為鎮

深州雍熙四年自州西北舊城徙今治 靜安縣太平

興國八年以下博縣建靜安軍雍熙二年軍廢縣還以

隸三年廢下博縣四年復置改靜安 陸澤縣雍熙四

年廢隸靜安縣 東鹿縣淳化二年自真定府來隸

雍熙四年二月十二日詔深州昨以大戎肆暴侵我封
疆惟彼生民被其荼毒永言隱恤勿忘于懷思有改更

廢期安輯宜以靜安軍為深州治所

磁州昭德縣熙寧六年廢為鎮隸滏陽縣

祁州端拱二年徙置於真定府鼓城景德二年陞國練

州自鼓城徙治定州蒲陰縣舊名義豐太平興國元年

改景祐二年自定州來隸鼓城縣端拱二年自真定

府來隸深澤縣熙寧六年廢為鎮隸鼓城縣元祐元

年復

保州建隆初以莫州清苑縣置保塞軍太平興國六年

陞為州保塞縣建隆元年以莫州清苑縣來隸太平

興國六年改

慶源府舊趙州崇寧四年陞為慶源府仍以慶源軍節

度

栢鄉縣熙寧五年廢為鎮隸高邑縣元祐元年復

贊皇縣熙寧五年廢為鎮隸高邑縣元祐元年復

隆平縣熙寧六年廢為鎮隸臨城縣元祐元年復宣

和元年十月七日右武郎廉防使者王寓奏仰惟國姓

所出之地實自全趙在昔神考深念世本嘗詔求程嬰

公孫杵臼之遺祠優加爵號以旌其義又命守臣恢大

城園用壯形勢昨陛下惟尊姓系即褒其州為慶源軍

臣茲獲將命逕客朔塞道出邢趙竊見邢之鉅鹿郡元

係英廟所領舊藩今已改府曰信德欲乞趙州慶源軍

更陞府號以副羣望詔慶源軍陞為慶源府依舊軍額

崇寧四年二月二十日詔曰冀北與區趙郡名壤

昨土命氏適祇先德之傳錫羨派光大啟後人之慶昔
我藝祖誕受天命列聖儲祉萬方咸休肆予一人嗣有
神器夙夜祇懼惟懷永圖迺眷此邦實繫國姓思假寵
靈之侈宜分旌鉞之榮式隆王迹之基永底兆民之阜
宜陞為節鎮仍以慶源軍為額因舉人李獻臣等言
伏讀趙世家稱穆王造父以趙城由此為姓至春秋時
程嬰公孫杵臼協心戮力以興趙氏之祀至襄子因以
有國迄至皇宋建萬世不拔之基實本諸此神宗皇帝
深惟國姓之所自乃詔天下求程嬰公孫杵臼之遺祠
優加封爵以報其忠人命守臣展拓本州城圍壯大形
勢固所以尊世繫而重國本也今則本州獨為軍事事

體朕削非所以稱國家宗姓所出之地乞建本州為節
鎮軍府尊大國姓故有是命

舊邢州安國軍宣和元年陞為信德府任縣熙寧五
年廢為鎮隸南和縣元祐元年復平鄉縣熙寧六年
廢為鎮隸鉅鹿縣元祐元年復堯山縣熙寧六年廢
為鎮隸內邱縣元祐元年復邢臺縣宣和二年以龍
崗縣改

濬州舊通利軍熙寧三年廢為黎陽縣隸衛州元祐元
年復為軍政和五年八月陞為州濬川軍節度九月
又改為平川軍衛縣熙寧三年廢為通利軍還隸衛
州元祐元年復軍依舊來隸

安肅軍太平興國六年以易州宥戎鎮地置靜戎軍景德元年改宣和七年陞為軍隸保州安肅縣六年以遂城縣三鄉為靜戎縣景德元年改博野縣熙寧四年自定州來隸宣和七年以縣兼軍使

宋會要

廣信軍太平興國六年以易州遂城縣地置威虜軍景德二名改今名遂城縣太平興國六年自易州來隸宋會要

順安軍太平興國六年以瀛州廢唐興縣置唐興寨淳化三年陞為軍高陽縣至道三年自瀛州來隸熙寧六年廢為鎮十年復為縣

承天軍建隆元年以鎮州懷子開建軍仍隸鎮州後廢

宋會要

燕山府古幽州漢置涿郡唐武德元年改為燕州天寶元年復為幽州號廣陽郡永清軍節度宣和四年十月改為府 燕山府析津縣宛平縣昌平縣良鄉縣潞縣武清縣安次縣永清縣清化縣玉河縣灤陰縣並宣和四年十月內復 廣寧縣宣和四年十月以都市縣改宣和四年十月五日詔燕京古之幽州武王克商封邵公奭於燕以燕然山得名漢置涿郡唐武德元年改燕州天寶元年改幽州舊號廣陽郡有永清軍節度燕京宜改為燕山府

涿州漢涿郡地唐置州宣和四年十月賜名涿水郡威
行軍節度 宣和四年十月以范陽縣改 威城縣宣
和四年十月以新城縣改 歸義縣周安縣並宣和四
年十月內復

檀州漢漁陽郡 地隋置州宣和四年十月賜名橫山
郡鎮遼軍節度 密雲縣宣和四年十月內復 盧城
縣宣和四年十月以行唐縣改

平州漢遼西郡地隋置州宣和四年十月賜名海陽郡
撫寧軍節度 盧龍縣宣和四年十月復 臨關縣宣
和四年十月以石城縣改 馬城縣宣和四年十月復

易州漢涿鹿郡地隋置州宋朝宣和四年十月賜名遂
武郡防禦 易水縣涞縣宣和四年十月復安城縣宣
和四年十月以容城縣改

營州漢遼西郡地隋置州宋朝宣和四年十月賜名平
盧郡防禦 鎮山縣宣和四年十月以柳城縣改

順州漢涿郡地唐置州宋朝宣和四年十月賜名順興
郡團練 懷柔縣宣和四年十月復

薊州漢漁陽郡地唐置州宋朝宣和四年十月賜名廣
川郡團練 平虜縣宣和四年十月以漁陽縣改 三

河縣玉田縣宣和四年十月復
景州北虜置宋朝宣和四年十月賜名灤川郡軍事

遵化縣宣和四年十月復

陝西路太平興國二年分河北河南路入有陝西府路
後併一路熙寧五年分永興秦鳳二路今按元豐九城
圖除永興一路外郡延環慶涇原秦鳳熙河分為五路
熙寧五年十二月十三日詔以陝西路分為永興軍
秦鳳兩路京兆府河中府陝延同華耀州郡解慶虢商
寧坊丹環十五州保安軍為永興軍路鳳翔府秦涇熙
隴成鳳渭原階河岷十一州鎮戎德順通遠三軍為秦
鳳路 大觀二年四月一日大司成孫淵明奏稽諸史
籍歷代以來州郡例著上望以第差定貢賦今陝右黔
南等道新附州軍乞今叅立郡名擬定上望外其土貢

委尚書戶部下本路轉運司叅酌從之 宣和元年四月六日河東陝西宣撫司奏據環慶路經畧司申承朝廷復奉天縣為醴州創置環慶路第十將隨將割屬環慶路管轄緣本路諸將各有屯駐將兵其管下縣分戶口不多所入不足所支雖蒙將醴州割屬本路却將邠州永壽縣割屬醴州及寧州定平縣割屬邠州止是只將本路諸縣遞相割隸委是逐州轉見供贍不足今相度欲乞將邠州相鄰耀州淳化雲陽兩縣割屬邠州將定平縣却割屬寧州將慶州相鄰寧州襄樂割屬慶州所貴逐州各得均濟詔令陝西轉運司相度契勘耀州所入財賦摘撥酒稅錢係應副郡廷等路邊計去處若

將淳化雲陽兩縣並割屬邠州管轄不惟雲陽去邠州
地里相遠又于耀州并諸路歲額斛斗顯有妨闕今相
度得淳化一縣附近邠州去處欲將耀州淳化縣割隸
邠州餘並依舊所有淳化縣稅賦除本州於第五等內
有合納分數外將餘數自來年夏料應副環慶路秋料
應副鄜延路今來既割屬環慶路若依舊令人戶赴兩
路輸納本司契勘得耀州三原縣稅賦自來年夏料合
應副鄜延路秋料却應副環慶路其兩縣稅賦多寡苦
不相遠今欲互換輸納其逐縣摘撥酒稅等錢各依舊
從之

京兆府宣和二年以永興軍稱奉天縣熙寧五年廢

乾州復為縣隸府 樊州縣三年以萬年縣改 宣和
二年三月六日詔永興軍守臣等銜位並不用軍額永
興軍稱京兆府成德軍稱真定府

河中府榮河縣舊名寶鼎大中祥符四年改榮河隸慶
成軍熙寧元年廢慶成軍以縣來隸仍置軍使河西縣
開寶五年徙于西關城外 天禧五年徙府城內通化
坊熙寧三年廢隸河東縣 永樂縣熙寧六年廢為鎮
隸河東縣 龍門縣舊改為河津縣紹興元年依舊
大中祥符四年二月二十八日詔曰寶鼎縣駐蹕所臨
神祠俯邇允資肅奉宜示優恩特建為慶成軍隸河中
府續詔改寶鼎曰榮河令軍使兼知縣事別置判官一

一員四月十七日詔慶成軍不隸河中府其滎河縣特置令簿尉各一員隸本軍置司理司法叅軍各一員司法兼司糧料事先是祀汾陰畢即滎河縣建慶成軍仍隸河中府其官寮雖帶軍額實領縣事本以崇奉宮廟而本府不即給遺禮料言事者以為非便至是以軍直隸京增置官吏其太寧宮廟每年祠祭委知軍行禮

宋會要

醴州政和七年以京兆府奉天縣陞為州劉豫改為永興軍路紹興九年收復依舊政和八年三月二十八日陝西河東河北路宣撫司奏勘會奉天縣復為州賜名醴州創置一將以環慶路第十將為名見于興平醴

泉武功三縣招置隨將割屬環慶路管轄契勘醴州舊
係乾州日合治永壽好時二縣後廢為縣內永壽隸邠
州好時隸鳳翔府若止復割此兩縣委是供膳將兵不
足其醴泉武功二縣雖見屬永興緣逐縣附近醴州乞
割隸醴州從之 太平興國二年八月五日右拾遺李
幹言諸道藩鎮所管支郡多俾親吏掌其關市頗不便
於商賈滯天下之貨望下令有所統攝以分方面之權
尊獎王室亦強幹弱枝之術也詔邠寧涇原渭鄜坊延
丹陝號襄均房復鄧唐瀘濮宋毫鄆濟滄德曹單青淄
兗沂具冀滑衛鎮深趙定祁等州先隸藩鎮今並直隸
京郡長吏得自奏事

二年從今治三

年自號州來

隸熙寧六年

廢隸陝縣

隸鄉縣太平

興國

上段添三年

上

陝州湖城縣太平興國三年自號州來隸熙寧四年廢
為鎮隸寶靈縣元豐元年復為縣隸 硤石縣乾德五
年移治右壕鎮仍割河南永寧縣之胡郭管隸焉太平
興國三年自號州來隸
延安府劉豫改為延州紹興九年收復依舊 豐林縣
熙寧五年廢為鎮隸鄜州 金明縣熙寧五年廢為
寨隸鄜州 延水縣熙寧八年廢為鎮隸延川縣
淳化五年五月二十三日以延州石堡寨為威塞軍
紹聖四年六月十二日樞密院言鄜延經畧司奏延安
府延川縣城形勢不便難為守禦合依延長臨真縣例
廢作不可守禦縣從之

同州唐正德軍節度梁為忠武軍後唐復舊周降為軍
事宋朝改定國軍節度夏陽縣熙寧三年廢為鎮隸
郃陽縣沙苑監乾德三年於同州馮翊朝城二縣境
置監

華州唐鎮國軍節度周降為軍事宋朝初為鎮國軍節
度皇祐五年改鎮潼軍蒲城縣京兆府奉先縣乾德二
年隸同州開寶四年改為蒲城天禧四年自同州來隸
渭南縣熙寧六年廢為鎮隸鄭縣元豐九年復
清平軍大觀元年陞鳳翔府清平鎮為軍隸永興
乾州軍事領三縣乾德二年以京兆府好畤邠州永壽
二縣來隸熙寧五年廢州以奉天縣隸京兆府永壽縣

遷舊隸好時縣隸鳳翔府 商州

商州紹興九年聽金州節制 紹興九年七月二十一日陝西路宣諭使周聿郭浩等言乞將虢州隸京西商州隸金州節制并金州舊屬京西南路紹興三年本州失守至紹興六年朝廷差郭承宣知州隸屬川陝宣撫使司本官措置營田搜訪遺利漸次富實今移帥郡延其金州却合委四川宣撫司選有武勇諳民事兵官前去鎮守依舊隸四川宣撫司庶幾與梁洋一帶關隘首尾相應詔依舊隸四川宣撫司虢州隸京西商州聽金州節制

鄜城縣康定二年即縣治建康定軍使隸本州

三川

縣熙寧七年廢為鎮隸洛交縣

耀州後唐順義軍節度後為團練

號州唐弘農郡至道三年弘農尋改號郡 號畧縣舊

名弘農 朱陽縣乾德六年廢隸常農縣太平興國七

年復置 藥川縣崇寧三年以鎮陞為縣

坊州昇平縣熙寧元年廢為鎮隸宜君縣

丹州宜川縣舊名義川太平興國元年改熙寧八年析

同州韓城縣新封鄉隸 咸寧縣太平興國三年廢入

宜川縣 分川縣熙寧三年廢為鎮隸宜川縣 雲巖

縣熙寧七年廢為鎮隸宜川縣

銀州崇寧四年收復五年廢為城

綏德軍治平四年收復廢為綏德城元符二年以綏德城為綏德軍熙寧七年正月十九日陝西轉運副使范純粹言綏德城當夏賊之衝乞立軍額以米脂義合浮圖懷寧順安綏平六城咸隸焉

環州唐靈州方渠鎮晉置威州周為環州後降通遠軍通遠縣舊名通遠天聖元年改方渠景祐元年復今名

慶陽府舊慶州政和七年陞為慶陽軍宣和元年陞為府唐安化節度後降軍事建隆元年陞團練四年降軍事劉豫改為慶州紹興九年收復依舊同川縣乾德二年廢隸安化縣安化縣唐安化縣後改順化宋

朝初為安化太平興國二年省邠州甘井寧羗二縣地
入焉 華池縣並熙寧四年廢 彭原縣熙寧三年自
寧州來隸 合水縣熙寧四年置 樂蟠縣熙寧四年
廢隸合水縣

寧州宣和元年陞為興寧軍節度 定平縣熙寧五年

自邠州來隸

邠州永壽縣乾德二年以縣隸乾州熙寧五年乾州廢
復來隸

定邊縣政和六年建

涇州長武縣咸平四年陞長武鎮為縣五年廢為寨
政和七年陞為平涼軍 崇信縣乾德元年以舊崇信

軍地置縣隸鳳翔府淳化中隸儀州熙寧五年儀州廢
來隸安化縣二年折華亭縣地置縣隸儀州太平興
國八年徙治制勝關至道元年徙安化鎮改今名
儀州唐義州軍事領三縣乾德二年置安化縣太平興
國元年改淳化中以鳳翔府崇信縣來隸熙寧五年廢
州以華亭安化崇信三縣隸渭州
彭陽縣舊名豐義太平興國元年改至道三年自寧州
來隸

西安州元符二年以南牟會新城建元祐二年五月
二十一日涇原路進築天都南牟會諸路築據要害而
各徑直相通畢工詔以南牟會新城為西安州

隴安縣開寶
一年析沂陽縣
四鄉置縣
此段接鳳翔
府下

元平夏城大觀二年陞為威德軍續改今名

鎮戎軍至道元年以原州故高平縣地置軍

德順軍慶厯三年正月二十三日以渭州平涼縣地龍

竿城為德順軍 其地蓋龍竿川大中祥符四年知渭

州曹瑋上言隴山之外坦為兵衝而州無扞蔽之勢請

兵戍守而城之至是安撫使王堯臣請建軍也

好時縣乾德二年自京兆府隸乾州熙寧五年乾州廢

以隸隸府 司竹監宋朝因唐制於鳳翔府整屋縣置

監隸鳳翔府 此下接漢安物

開寶監建隆三年於鳳州兩當縣七房鎮置銀冶開寶

五年陞為監隸鳳州 鳳州後唐防禦建隆四年降團

練五年二月七日以雄勝軍為雄勝鎮依舊隸鳳州

秦州元祐三年十一月七日兵部言秦州岷州階州舊為沿邊今則收復州郡甚多恐秦岷階州合為次邊其次嵐石州已在近裏各無邊面並令改為次邊委是經久利便又言熙河蘭會路沿邊近收復開拓朔建州城堡寨展套蕃土甚是闊遠其秦州合作次邊從之 太平監秦州清水縣地開寶五年于秦州清水縣置銀冶太平興國三年陞為監隸秦州

鞏州皇祐四年以渭州地置古渭寨熙寧五年建為通遠軍崇寧三年陞為州 隴西縣元祐五年建 通渭縣崇寧五年以寨陞為縣 通遠軍熙寧五年以唐渭

州地古渭寨置軍 崇寧三年十二月六日熙河蘭會
路經畧安撫使王厚奏乞以通遠軍依舊為渭州陞為
節鎮并乞改差文臣知州仍乞自朝廷選除詔通遠軍
改為鞏州仍堂除文臣知州餘不行 元祐五年十月
十六日三省言通遠軍申乞添置倚郭一縣以隴西為
名差選人充尉兼令簿從之